



和3  
1687  
8



18

田代

詩宗午集卷十三

律詩 五言二百四十五首

臨高臺

王融

遊人欲騁望積步上高臺并蓮當夏吐窓桂逐秋開  
花飛低不入鳥散遠時來還看雲棟影含月共徘徊

奉和隨王殿下

謝朓

年華豫已滌夜艾賞方融新萍時合水弱草未勝風  
閨幽瑟易響臺迴月難中春物廣餘照蘭萱佩未窮

咏萍

劉繪

可憐池內萍蒼蒼紫復青巧隨浪開合能逐水低平

言  
微根無所綴細葉詎須莖漂泊終難測畱連如有情

折楊柳

簡文帝

楊柳亂成絲攀折上春時葉密鳥飛礙風輕花落遲  
城高短簫發林空畫角悲曲中無別意併是為相思

採蓮曲

晚日照空磯採蓮承晚暉風起泝難度蓮多摘未稀  
棹動芙蓉落船移白鷺飛荷絲傍繞腕菱角遠牽衣

春閨情

楊柳葉纖纖佳人嬾織縑正衣還向鏡迎春試捲簾  
摘梅多遶樹覓燕好窺簷只言逐花草計較應非嫌

晚日後堂

幔陰通碧砌日影度城隅岸柳垂長葉牕桃落細跗  
花畱蛺蝶粉竹翳蜻蜓珠賞心無與共染翰獨踟躕

咏螢

本將秋草并今與夕風輕騰空類星霄拂樹若花生  
屏疑神火照簾似夜珠明逢君拾光彩不恡此身傾

詠霧

元帝

三晨生遠霧五里闔城闔從風疑細雨映日似遊塵  
乍若飛煙散時如佳氣新不妨鳴樹鳥時蔽摘花人

咏陽雲樓檐柳

楊柳非花樹依樓自覺春枝邊通粉色葉裏映紅巾  
帶日交簾影因吹掃席塵拂檐應有意偏宜桃李人

巫山高

范雲

巫山高不極白日隱光輝靄靄朝雲去溟溟暮雨歸  
巖懸默無迹林暗鳥疑飛枕席竟誰薦相望空依依  
夜發密巖口

丘遲

弭棹纔假寐擊汰已爭先敞朗朝霞澈驚明曉魄懸  
萬尋仰危石百丈窺重泉叢枝上點點崩溜下填填

春日寄鄉友

王僧孺

旅心已多恨春至尚離羣翠枝結斜影綠水散圓文

戲魚兩相顧遊鳥半藏雲何時不憫默是日最忠君

春閨怨

愁來不理鬢春至更攢眉悲看蛺蝶粉泣望蜘蛛絲  
月暎寒蒼檝風吹翡翠帷飛鱗難託意駛翼不銜辭

秋閨怨

斜光隱西壁暮雀上南枝風來秋扇屏月出夜燈吹  
淡心起百際遙淚非一垂徒勞妾辛苦終言君不知

和徐主簿望月

庾肩吾

樓上徘徊月窻中愁思人照雪光偏冷臨花色轉春  
星流時入暈桂長欲侵輪願以重光曲承君歌扇塵

和晉安王薄晚逐涼北樓回望應教

向夕紛誼屏追涼飛觀中樹影臨城日  
臆含度水風遙天如接岸遠帆似凌空  
陪文慙宋玉徒等待蘭宮

春日貽劉孝綽

蕭 瑱

澗水初流碧山櫻早發紅  
新禽爭弄響落蕊亂從風  
拂筵多輒幹曠戶悉花藂  
誰云相去遠垂柳對高桐

秋閨

劉 邈

螢飛綺窗外妾思霍將軍  
燈前量獸錦簾下織花紋  
墜露如輕雨長河似薄雲  
秋還百種事衣成未暇薰

賦得觀濤

徐 防

雲容雜浪起楚水漫吳流  
漸看遙樹沒稍見遠天浮  
漁人迷舊浦海鳥失前洲  
不測滄溟曠輕鱗幸自游

和晚日登樓

劉 緩

所以登臺榭正重接煙霞  
長虹觸欄斷歸鳥避窻斜  
俯巢窺暝宿臨樹摘高花  
百雉時方晚九層光尚賒

賦得臨水

沈君攸

開筵臨桂水攜手望桃源  
花落圓文出風急細流翻  
光浮動岸影浪息累沙痕  
滄波自可悅濯纓何用論

晚宴文惠殿

後 主

晚日落餘暉宵園翠蓋飛  
荷影侵池浪雲色入山扉

陳

詩集 卷之十集  
螢光息復起暗鳥去翻歸樂極未言醉杯淡猶恨稀

蜀道難

陰鏗

王尊奉漢朝靈關不憚遙高岷長有雪陰棧屢經燒  
輪摧九折路騎阻七星橋蜀道難如此功名詎可要

和庾司空登樓望鄉

懷土臨霞觀思歸想石門瞻雲望鳥道對柳憶家園  
寒田穫裏靜野日燒中昏信美今何益傷心自有源

登武昌岸望

遊人試歷覽舊跡已丘墟巴水縈非字楚山斷類書  
荒城高仞落古柳細條疎煙蕪遂若此當不爲能居

晚出新亭

大江一浩蕩離悲足幾重潮落猶如蓋雲昏不作峯  
遠戍惟聞鼓寒山但見松九十方稱半歸途詎有蹤

侯司空宅詠妓

佳人遍綺席妙曲動鸚弦樓似陽臺上池如洛水邊  
鸞啼歌扇後花落舞衫前翠柳將斜日俱照晚妝鮮

侍宴賦夾池竹

夾池一叢竹垂翠不驚寒葉醞空城酒皮裁薛縣冠  
湘川染別淚衡嶺拂仙壇欲見葳蕤色當來兔苑看

雪裏梅花

春近寒雖轉梅舒雪尚飄從風還共落照日不俱消  
葉開隨足影花多助重條今來漸異昨向晚判勝朝

內園逐涼

徐陵

昔有北山北今來東海東納涼高樹下直坐落花中  
狹徑長無迹茅齋本自空提琴就竹籥酌酒勸梧桐

春日

岸烟起暮色岸水帶斜暉逕狹橫枝度簾搖驚燕飛  
落花承步履流澗寫行衣何殊九枝蓋薄暮洞庭歸

君馬黃

張正見

幽并重騎射征馬正盤桓風去嘶聲遠冰堅度足寒

出關聊變色上坂屢停鞍即今隨御史非復在樓蘭

對酒

當歌對玉酒匡坐酌金罍竹葉三清泛葡萄百味開  
風移蘭氣入月逐桂香來獨有劉將阮忘情寄羽杯

長安有狹斜行

少年重遊俠長安有狹斜路窄時容馬枝高易度車  
蒼高同落照巷小共飛花相逢夾綉轂借問是誰家

賦得日中市朝滿

雲閣綺霞生旗亭麗日明塵飛三市路蓋入九重城  
竹葉當壚滿桃花帶綬輕惟見爭名利安知大隱情



賦得題新雲

西北春雲起遙臨偃蓋松根危纔吐葉氣淺未成峯  
風前飛不斷日處影疑重體輕無五色詎是得從龍

和衡陽王秋夜

睢苑涼風舉章臺雲氣收螢光連燭動月影帶河流  
綠綺朱弦汎黃花素蟻浮高軒揚麗藻卽是賦新秋

雨雪曲

江摠

雨雪隔榆溪從軍度隴西遶障看狐迹依山見馬蹄  
天寒旗彩壞地暗鼓聲低漫漫愁雲起蒼蒼別路迷  
侍宴瑤泉殿

水亭通杳指石路接堂皇野花不識采旅竹本無行  
雀驚疑欲曙蟬噪似含涼何言金殿側亟奉瑤池觴  
和衡陽殿下高樓看妓

起樓侵碧漢初日照紅妝弦心豔卓女曲誤動周郎  
竝歌時轉黛息舞暫分香挂纓銀燭下莫笑玉釵長  
歲暮還宅

悒然想泉石驅駕出城臺翫竹春前筍驚花雪後梅  
青山殊可對黃卷復時開長繩豈繫日濁酒傾一杯  
春夜山庭

春夜芳時晚幽庭野氣淡山疑刻削意樹接縱橫陰

戶對忘憂草池驚旅浴禽樽中良得性物外知余心

賦咏得琴

可憐嶧陽木雕為綠綺琴田文垂睫淚卓女弄弦心  
戲鶴聞應舞游魚聽不沉楚妃幸勿歎此異丘中吟

遊鐘山開善寺

徐伯陽

聊追鄴城友躡步出蘭宮法侶殊人世天花異俗中  
鳥聲不測處松吟未覺風此時超愛網還復洗塵蒙

蓮調

祖孫登

長川落照日淡浦漾清風弱柳垂江翠新蓮夾岸紅  
船行疑汎迴月暎似沉空願逐琴高戲乘魚入浪中

巫山高

蕭詮

巫山映巫峽高高殊未窮猿聲不辨處雨色詎分空  
懸崖下桂月溪澗響松風別有仙雲起時向楚王宮

關山月

賀力牧

重關斂暮烟明月下秋前照石疑分鏡臨弓似引弦  
霧暗迷旗影霜濃溼劍蓮此處離鄉客遙心萬里懸

雨雪曲

江暉

邊城風雪至遊子自心悲風哀笳弄斷雪暗馬行遲  
輕生本為國重氣不關私恐君猶不信撫劍一揚眉

對雨

劉逖

北齊

重輪宵犯畢行雨旦浮空細落疑含霧斜飛覺帶風  
濕槐仍足綠沾桃夏上紅無由似玄豹縱意坐山中

奉和望山應教

蕭 愨

仙遊本多趣復此上秋初巖低石倒險嶺高松夏疎  
峯形疑鳥翅塞路似狼居矚望情無已詞殫意有餘

出塞

王 褒

飛蓬似征客千里自長驅塞禽唯有鴈關樹但生榆  
背山看故壘繫馬識餘蒲還因麾下騎來送月支圖

和殷廷尉歲暮

歲晚悲窮律他鄉念索居寂寞灰心盡摧殘生意餘

周北

產空交道絕財殫密親疎空悲趙壹賦還著虞卿書

道士步虛詞

庾 信

北闕臨玄水南宮生絳雲龍泥印玉策大火煉真文  
上元風雨散中天歌吹分靈駕千尋上空香萬里聞

奉和永豐殿下言志

立德齊今古資仁一毀譽無機抱甕汲有道帶經鋤  
處下名惟惠能言本姓蓬未論驚寵辱安知係慘舒

奉答賜酒

仙童下赤城仙酒餉王平野人相就飲山鳥一聲驚  
細雪翻沙下寒風戰鼓鳴此時逢一醉應枯反夏榮

答王司空餉酒

今日小園中桃花數樹紅  
開君一壺酒細酌對春風  
未能扶畢卓猶足舞王戎  
仙人一捧露判不及盃中

對雨

繁雲猶暗嶺積雨未開庭  
階含侵角路鑊滿溜疏萍  
濕楊生細榭爛草變初螢  
徒勞看蟻封無事祀靈星

喜晴

比日忠光景今朝始暫逢  
雨住便生熱雲晴乍作峯  
水白澄還淺花紅燥更濃  
已歡無石燕彌欲棄泥龍

晚秋

淒清臨晚景疎索望寒堦  
溼庭凝墜露搏風卷落槐  
日氣斜還冷雲峯晚更霾  
可憐數行鴈點點遠空排

詠畫屏風詩

搗衣明月下靜夜秋風飄  
錦石平砧面蓮房接杵腰  
急節迎秋韻新聲入手調  
寒衣須及早將寄霍嫖姚  
三危上鳳翼九坂度龍鱗  
路高山裏樹雲低馬上人  
懸巖泉溜響溪谷鳥聲春  
佳馬來相問應知有姓秦

悲秋

煬帝

故年秋始去今年秋復來  
露濃山氣冷風急蟬聲哀  
鳥擊初移樹魚寒欲隱苔  
斷霧時通日殘雲尚作雷

採蓮曲

盧忠道

曲浦戲妖姬輕盈不自持  
擎荷愛圓水折藕弄長絲  
佩動裙風入妝銷粉汗滋  
菱歌惜不唱須待暝歸時

初夏應詔

魏澹

雖度芳春節物色尚餘華  
出簾飛小燕映戶落殘花  
舞衫飄細縠歌扇掩輕紗  
蘭房本空夜不與日光斜

賦得涉江采芙蓉

孔德紹

蓮舟泛錦積極目眺江干  
沿流渡楫易逆浪取花難  
有霧疑川廣無風見水寬  
朝來採摘倦詎得久盤桓

賦得巖穴無結構

王由禮

巖間無結構谷處極幽尋  
葉落秋巢迴雲生石路深  
早梅香野徑清澗響丘琴  
獨有栖遲客雷連芳杜心

秋日

太宗皇帝

爽氣澄蘭沼秋香動桂林  
露凝千片玉菊散一叢金  
日吐高低影雲垂點綴陰  
蓬瀛不可望泉石且娛心

秋日翠微宮

秋光凝翠嶺涼吹肅離宮  
荷疎一蓋鉞樹冷半帷空  
側陣移鴻影圓花釘菊藂  
攄懷俗塵外高眺白雲中

首春

寒隨窮律變春逐鳥聲開  
初風飄帶柳晚雪間花梅

唐

碧林青舊竹綠沼翠新苔  
芝田初鴈去綺樹未鶯來

月晦

晦魄移中律凝暄起麗城  
罩雲朝蓋上穿露曉珠呈  
笑樹花分色啼枝鳥合聲  
披襟歡眺望極目暢春情

詠雨

和風吹綠野梅雨灑芳田  
新流添舊礪宿霧足朝烟  
鴈濕行無次花霑色更鮮  
對此欣登歲披襟弄五絃

待宴賦韻得前字應制

虞世南

芬芳禁林晚容與桂舟前  
橫空一鳥度照木百花然  
綠野明斜日青山澹晚煙  
濫陪終燕賞握管類窺天

野望

王績

東臯薄暮望徙倚欲何依  
樹樹皆秋色山山惟落暉  
牧人驅犢返獵馬帶禽歸  
相顧無相識長歌懷采薇

從軍行

楊炯

烽火照西京心中自不平  
牙璋辭鳳闕鐵騎繞龍城  
雪暗凋旗畫風多雜鼓聲  
寧爲百夫長勝作一書生

送臨津房少府

歧路三秋別江津萬里長  
烟霞駐征蓋絃奏促飛觴  
階樹含斜日池風泛早涼  
贈言未終竟流涕忽霑裳

銅雀妓

王勃

金鳳鄰銅雀漳河望鄴城君王無處所臺榭若平生  
舞席紛何就歌梁儼未傾西陵松檟冷誰見綺羅情

別薛華

送送多窮路遑遑獨問津悲涼千里道淒斷百年身  
心事同漂泊生涯共苦辛無論去與住俱是夢中人

遊梵宇三覺寺

杏閣披青磴瑠臺控紫岑葉齊山路狹花積野壇深  
蘿幌棲禪影松門響梵音遽忻陪妙躅延賞滌煩襟

山居晚眺贈王道士

金人疎俗宇玉洞似仙羣花枝栖晚露峯葉度晴雲

斜照移山影迴沙擁籊文琴尊方待興竹樹已迎曛

春日還郊

閒情兼默語攜杖赴巖泉草綠繁新帶榆青綴古錢  
魚牀侵岸木鳥路入山煙還題平子賦花樹滿春田

對酒春園作

投簪下山閣攜酒對河梁狹水牽長鏡高花送斷香  
繁鸞歌似曲疎蝶舞成行自然催一醉非但閱年光

聖泉宴

披襟乘石磴列籍俯春泉蘭氣熏山酌松聲韻野絃  
影飄垂葉外香度落花前興洽林塘晚重岩起夕煙

麻平晚行

百年懷土望千里倦遊情高低尋成道遠近聽泉聲  
礪葉纔分色山花不辨名羈心何處盡風急暮猿清

饒章兵曹

征驂臨野次別被慘江垂川霽浮煙斂山明落照移  
鷹風凋晚葉蟬露泣秋枝亭臯分遠望延想間雲涯

仲春郊外

東園垂柳徑西堰落花津物色連三月風光絕四鄰  
鳥飛却覺曙魚戲水知春初晴山院裏何處染罽塵

郊興

空園歌獨酌春日賦閒居澤蘭侵小逕河柳覆長渠  
雨去花光濕風歸葉影疎山人不惜醉唯畏淥尊虛

郊園即事

烟霞春早賞松竹故季心斷山凝畫障縣浦瀉鳴琴  
草遍南亭合花開北院深閑居饒酒賦隨興欲抽簪

入秦川界

盧照隣

隴坂長無極蒼山望不窮石逕縈疑斷回流映似空  
花開綠野霧管嘯紫岩風春芳勿遽盡留賞故人同

春晚山莊率題

田家無四鄰獨坐一園春鶯啼非選樹魚戲不驚綸



山水彈琴盡風花酌酒頻年華已可樂高興復畱人

酬惠玄上人林泉

駱賓王

芳晨臨上月幽賞狎中園有蝶堪成夢無羊可觸藩  
忘懷南澗藻蠲惠北堂萱坐歎華滋歌惠君誰爲言

正月十五夜

蘇味道

火樹銀花合星橋鐵鎖開暗塵隨馬去明月逐人來  
遊妓皆穠李行歌盡落梅金吾不禁夜玉漏莫相催

登驪山頂寓目

中宗皇帝

四郊秦漢國八水帝王都閭閻雄里開城闕壯規模  
貫渭稱天邑含岐實奧區金門披玉館因此識皇圖

凌朝浮江旅思○唐詩歸作馬周 韋承慶

天晴上初日春水送孤舟山遠疑無樹潮平似不流  
岸花開且落江鳥沒還浮羈望傷千里長歌遣四愁

晦日宴高氏林亭同用華字

長孫正隱

晦晚屬烟霞遨遊重歲華歌鍾雖戚里林藪是山家  
細雨猶開日淡池不漲沙淹雷迷處所巖岫幾重花

晚次樂鄉縣

陳子昂

故鄉杳無際日暮且孤征川原迷舊國道路入邊城  
野戍荒烟斷深山古木平如何此時恨噉噉夜猿鳴

度荆門望楚

言宗  
三集  
遙遙去巫峽望望下章臺巴國山川盡荆門煙霧開  
城分蒼野外樹斷白雲隈今日狂歌客誰知入楚來

春夜別友人

銀燭吐青烟金樽對綺筵離堂思琴瑟別路繞山川  
明月隱高樹長河沒曉天悠悠洛陽去此會在何年

蓬萊三殿侍宴奉勅詠終南山

杜審言

北斗挂城邊南山倚殿前雲標金闕迴樹杪玉堂懸  
半嶺通佳氣中峯遶瑞烟小臣持獻壽長此戴堯天

和韋承慶過義陽公主山池

攢石當軒倚懸泉度牖飛鹿麕銜妓席鶴子曳童衣

園果嘗難遍池蓮摘未稀捲簾惟待月應在醉中歸

和晉陵陸丞早春游望

獨有宦遊人偏驚物候新雲霞出海曙梅柳渡江春  
淑氣催黃鳥晴光轉綠蘋忽聞歌古調歸思欲沾巾

都尉山亭

紫藤繁葛藟綠刺冒蒼薇下釣看魚躍揆巢畏鳥飛  
葉疎荷已晚枝亞果新肥勝迹都無限只應伴月歸

秋夜宴臨津鄭明府宅

行止皆無地招尋獨有君酒中堪累月身外即浮雲  
露白宵鍾徹風清曉漏聞坐攜餘興往還似未離羣

言宗  
三集  
旅寓安南

交趾殊風候寒遲暖復催仲冬山果熟正月野花開  
積雨生昏霧輕霜下震雷故鄉踰萬里客思倍從來  
送郎中北使

北狄願和親東京發使臣馬銜邊地雪衣染異方塵  
歲月催行旅恩榮變苦辛歌鐘期重錫拜手落花春

餞高唐州詢

沈佺期

弱冠相知早中年不見多生涯在王事容鬢各蹉跎  
良守初分嶽嘉聲卽潤河還從漢闕下傾耳聽中和

覽鏡

霏霏日搖蕙騷騷風灑蓮時芳固相奪俗態豈恆堅  
恍惚夜川裏蹉跎朝鏡前紅顏與壯志太息此流年

早發平昌島

解纜春風後鳴榔曉漲前陽鳥出海樹雲鴈下江煙  
積氣衝長島浮光溢大川不能懷魏闕心賞獨冷然  
樂城白鶴寺

碧海開龍藏青雲起鴈堂潮聲迎法鼓雨氣濕天香  
樹接前山暗溪承瀑水涼無言誦居遠清靜得空王  
遊少林寺

長歌游寶地徙倚對珠林鴈塔風霜古龍池歲月淡

言三  
二牛集  
紺園澄夕霽碧殿下秋陰歸路煙霞晚山輝處處吟

扈從登封途中作

宋之問

帳殿鬱崔嵬僊遊實壯哉曉雲連幕捲夜火雜星回  
谷暗千旗出山鳴萬乘來扈從良可賦終之揆天才

魯忠王挽辭

邦家錫寵光存沒貴忠良遂裂山河地追尊父子王  
人悲槐里月馬踏權原霜別向天京路悠悠此路長  
度大庾嶺

度嶺方辭國停輅一望家魂隨南翥鳥淚盡北枝花  
山雨初含霽江雲欲變霞但令歸有日不敢恨長沙

陸渾山庄

歸來物外情負杖閱巖畊源水看花入幽林採藥行  
野人相問姓山鳥自呼名去去獨吾樂無能愧此生

江亭晚望

浩渺浸雲根烟嵐出遠村鳥歸沙有迹帆過浪無痕  
望水知柔性看山欲斲魂縱情猶未已迴馬欲黃昏

藍田山莊

宦遊非吏隱心事好幽偏考室先依地爲農且用天  
朝川朝伐木藍木暮澆田獨與秦山老相歡春酒前

漢江宴

漢廣不分天舟移杳若仙秋虹映晚日江鶴弄晴煙  
積水浮冠蓋遙風逐管絃嬉遊不可極畱恨此山川

經梧州

南國無霜霰連年見物華青林暗換葉紅蘂續開花  
春去聞山鳥秋來見海槎流芳雖可悅會自泣長沙

泛鏡湖南溪

乘興入幽棲舟行日向低巖花候冬發谷鳥作春啼  
沓嶂開天小叢篁夾路迷猶聞可憐處更在若邪溪

婕妤怨

崔湜

不分君恩斷新粧視鏡中容華尚春日嬌愛已秋風

枕席臨窓曉帷屏向月空年年後庭樹榮落在深宮

公主適西蕃應制

懷戎前策備降女舊姻修簫鼓辭家怨旌旃出塞愁  
尚孩中念切方遠御慈畱願之謀臣用仍勞聖主憂

漢渡驛

張說

旅宿青山夜荒庭白露秋洞房懸月影高枕聽江流  
援響寒岩樹螢飛古驛樓他鄉對搖落併覺起離憂

奉和聖製登驪山矚眺應制

寒山上半空臨眺盡寰中是日巡遊處晴光遠近同  
川明分渭水樹暗辨新豐巖聲清音暮天歌起大風

送岳川李十從軍桂州

送客之江上其人美且才風波萬里闊故舊十年來  
劍拔蛟隨斷弓張鳥自摧楊橋書落落驛馬定先迴

南中贈高六戩

北極辭明代南溟宅放臣丹誠由義盡白髮帶愁新  
鳥墜炎洲氣花飛洛水春平生歌舞席誰憶不歸人

和魏僕射還鄉

富貴還鄉國光輝滿舊林秋風樹不靜君子歎何深  
故老空懸劍鄰交日散金衆芳搖落盡獨有歲寒心

和尹懋秋夜遊滄湖

滄湖佳可遊既近復能幽林裏樓精舍山間轉去舟  
鴈飛江月冷猿嘯野風秋不是迷鄉客尋奇處處留

夜渡江

姚崇

夜渚帶浮煙蒼茫晦遠天舟搖不覺動纜急始知牽  
聽草遙尋岸聞香暗識蓮惟看孤帆影常恐客心懸

秋夜望月

明月有餘鑒羈人殊未安桂含秋樹晚波入夜池寒  
灼灼雲枝淨光光草露團所患迷所在長望獨長嘆

岐王席上詠美人

張諤

半額畫雙蛾盈盈燭下歌玉杯寒意少金屋夜情多

香豔王分帖裙嬌勅賜羅平陽莫漫妒喚出不如他

答陳拾遺贈竹簪

張九齡

與君嘗此意因物復知心遺我龍鍾節非無玳瑁簪  
幽素空相重雕華豈所任爲君安首飾懷此代兼金

在洪州答綦母學士

旬雨不愆期由來自若時爾無言郡政吾豈欲天欺  
常念涓埃益唯歡草樹滋課成非所擬人望在東菑  
園中時蔬盡皆鋤理唯秋蘭數本委而不顧彼  
雖一物有足悲者遂賦

幸得不鋤去孤苗守舊根無心羨旨蓄豈欲近名園

遇賞寧光珮爲生莫礙門幽林芳意在非是爲人論

餞陳學士還江南同用徵字

荷篠旅江澳銜盃餞灞陵別前林鳥息歸處海烟凝  
風土鄉情接雲山客念憑聖朝巖穴選應待鶴書徵

通化門外送別

屢別容華改長愁意緒微義將私愛隔情與故人歸  
薄宦無時賞勞生有事機離魂今夕夢先繞舊林飛

自湘水南行

落日催行舫逶迤洲渚間雖云有物役乘此夏休閒  
暝色生前浦清暉發近山中流澹容與唯愛鳥飛還

初入湘中有喜

征鞍窮郢路歸櫂入湘流望鳥惟貪疾聞猿亦罷愁  
兩邊楓作岸數處橘爲洲却記從來意翻疑夢裏遊

耒陽谿夜行

乘夕棹歸舟緣源路轉幽月明看嶺樹風靜聽溪流  
嵐氣船間入霜華衣上浮猿聲雖此夜不是別家愁

湖口望廬山瀑布泉

萬丈洪泉落迢迢半紫氛奔飛下雜樹灑落出重雲  
日照虹霓似天清風雨聞靈山多秀色空水共氤氳

初登曲江谿中

谿流清且淡松石復陰臨正爾可嘉處胡爲無賞心  
我猶不忍別物亦有緣侵自匪嘗行邁誰能知此音

望月懷遠

海上生明月天涯共此時情人怨遙夜竟夕起相思  
滅燭憐光滿披衣覺露滋不堪盈手贈還寢夢佳期

故刑部李尚書荆谷山集會

嘗聞繼老聃身退道彌耽結宇倚青壁疏泉噴碧潭  
苔石隨人古煙花寄酒酣山光紛向夕歸興杜城南

初秋憶金均兩弟

江渚秋風至他鄉離別心孤雲愁自遠一葉感何深



言宗  
憂喜常同城飛鳴忽異林  
青山西北望堪作白頭吟  
送人之軍中  
賀知章

常經絕脈塞復見斷腸流  
送子成今別令人起昔愁  
隴雲晴半雨邊草夏先秋  
萬里長城寄無貽漢國憂  
送丹陽採訪  
徐安貞

郡縣分南國皇華出聖朝  
爲憐鄉棹近不道使車遙  
舊俗吳三讓遺風漢六條  
願言除疾苦天子聽謳謠  
正月閨夜  
袁暉

正月金閨裏微風繡戶間  
曉魂憐別夢春思遍啼顏  
遶砌梅堪折當軒樹未攀  
歲華方若此何日度陽關

送越州裴參軍充使入京

孫逖

日落川徑寒離心苦未安  
客愁西向盡鄉夢北歸難  
霜果林中變秋花木上殘  
明朝渡江後雲物向南看  
奉和崔司馬遊雲門寺

繫馬清溪樹禪門春氣濃  
香臺花下出講座竹間逢  
覺路山童引經行谷鳥從  
夏言竅寂滅迴策上南峯

春日山莊

韋述

初歲開韶月田家喜載陽  
晚晴搖水態遲景蕩山光  
浦淨漁舟遠花飛樵路香  
自然成野趣都使俗情忘

秋閨

沈祖仙

白馬三軍客青娥十載忠玉庭霜落夜羅幌月明時  
鑪冷蜘蛛喜燈高熠燿期愁多不可曙流涕坐空帷

芳樹

符子珪

芳樹空三月曛曛豔綺年香交珠箔氣陰占綠庭煙  
小葉風吹長繁花露濯鮮遂令穠李子折取簪花鈿

王昭君

梁獻

圖畫失天真容華坐誤人君恩不可再妾命在和親  
淚點關山月衣銷邊塞塵一聞陽鳥至忠絕漢宮春

同劉晃喜雨

玄宗皇帝

節變寒初盡時和氣已春繁雲先合寸膏雨自依旬

颯颯飛平野霏霏靜暗塵懸知花葉意朝夕望中新  
經魯祭孔子而歎之

夫子何為者栖栖一代中地猶鄒氏邑宅即魯王宮  
嘆鳳嗟身否傷麟怨道窮今看兩楹奠當與夢時同

次北固山下

王灣

客路青山外行舟綠水前潮平兩岸闊風正一帆懸  
海日生殘夜江春入舊年鄉書何處達歸鴈洛陽邊

贈別江

萬齊融

東南飛鳥處言是故鄉天江上風花晚君行定幾千  
計程頻破月數別屢開年兩歲潯陽水相思寄采蓮

關題

劉脊虛

道由白雲盡春與青谿長時有落花至遠隨流水香  
閒門向山路淡柳讀書堂幽映每白日清輝照衣裳  
寄江滔求孟六遺文

南望襄陽路忠君情轉親偏知漢水廣應與孟家隣  
在日貪爲善昨來聞愛貧相如有遺草一爲問家人

臨洞庭

孟浩然

八月湖水平涵虛混太清氣蒸雲夢澤波撼岳陽城  
欲濟無舟楫端居恥聖明坐觀垂釣者徒有羨魚情  
初出關旅亭夜坐懷王大校書

向夕槐烟起蔥蘢池館曛客中無偶坐關外惜離羣  
燭至螢光滅荷枯雨滴聞永懷芸閣友寂寞滯揚雲  
閒園懷蘇子

林園雖少事幽獨自多違向夕開簾坐庭陰落景微  
鳥過煙樹宿螢傍水軒飛感念同懷子京華去不歸  
送張子容進士舉

夕曛山照滅送客出柴門惆悵野中別殷勤歧路言  
茂林子偃息喬木爾飛翻無使谷風誚須令友道存  
畱別王侍御維

寂寂竟何待朝朝空自歸欲尋芳草去惜與故人違

言宗  
三十一集  
當路誰相假知音世所稀祇應守索莫還掩故園扉

宿永嘉江寄山陰崔少府國輔

我行窮水國君使入京華相去日千里孤帆天一涯  
臥聞海潮至起視江月斜借問同舟客何時到永嘉  
宿桐廬江寄廣陵舊遊

山暝聞猿愁滄江急夜流風鳴兩岸葉月照一孤舟  
建德非吾土維揚憶舊遊還將兩行淚遙寄海西頭  
東陂遇雨率爾貽謝南池

田家春事起丁壯就東陂殷殷雷聲作森森雨足垂  
海虹晴始見河柳潤初移予意在畊鑿因君問土宜

與諸子登峴山

人事有代謝往來成古今江山留勝跡我輩復登臨  
水落魚梁淺天寒夢澤深羊公碑尚在讀罷淚沾襟  
晚泊潯陽望香爐峯

挂席幾千里名山都未逢泊舟潯陽郭始見香爐峯  
嘗讀遠公傳永懷塵外蹤東林精舍近日暮空聞鐘

武陵汎舟

武陵川路狹前棹入花林莫測幽源裏仙家信幾深  
水迴青嶂合雲度綠谿陰坐聽閑猿嘯彌清塵外心  
梅道士水亭

傲吏非凡吏名流卽道流隱居不可見高論莫能酬  
木接仙源近山藏鬼谷幽再來迷處所花下問漁舟

遊精忠觀廻王白雲在後

出谷未亭午至家日已曛廻瞻下山路但見牛羊羣  
樵子暗相失草蟲寒不聞衡門猶未掩佇立望夫君

邵姚使君題惠上人房

帶雪梅初暖含煙柳尚青來窺童子偈得聽法王經  
會理知無我觀空厭有形迷心應覺悟客思未遑寧

過故人庄

故人具雞黍邀我至田家綠樹村邊合青山郭外斜

開軒面場圃把酒話桑麻待到重陽日還來就菊花

夜渡湘水

客行貪利涉夜裏渡湘川露氣聞芳杜歌聲識采蓮  
榜人投岸火漁子宿潭烟行子時相問潯陽何處邊

永嘉浦逢張子容

逆旅相逢處江村日暮時衆山遙對酒孤嶼共題詩  
廨宇隣鮫室人煙接島夷鄉園萬餘里失路一何悲

晚春

二月湖水清家家春鳥鳴林花掃更落逕草踏還生  
酒伴來相命開樽共解醒當杯已入手歌妓莫停聲

題義公禪房

義公習禪寂結宇依空林戶外一峯秀階前衆壑深  
夕陽連雨足空翠落庭陰看取蓮花淨方知不染心  
浮舟過陳逸人別業

水亭涼氣多閑棹晚來過澗影見藤竹潭香聞芰荷  
野童扶醉舞山鳥笑酣歌幽賞未云徧煙光奈夕何  
歸終南山

北闕休上書南山歸弊廬不才嗣主棄多病故人疎  
白髮催年老青陽逼歲除永懷愁不寐松月夜窓虛  
尋張五迴夜園作

聞就龐公隱移居近洞湖興來林是竹歸臥谷名愚  
挂席樵風便開軒琴月孤歲寒何用賞霜落故園蕪  
裴司士見尋

府僚能枉駕家醞復新開落日池上酌清風松下來  
廚人具雞黍稚子摘楊梅誰道山翁醉猶能騎馬回  
和李侍御渡松滋江

南紀西江闊皇華御史雄截流寧假楫挂席自生風  
寮窠爭攀鷁魚龍亦避驄坐聽白雪唱翻入棹歌中  
送友東歸

士有不得志栖栖吳楚間廣陵相遇罷彭蠡泛舟還

言宗  
三牛集  
橋出江中樹波連海上山風帆翻日遠何處更追攀

途中遇晴

已失巴陵雨猶逢蜀坂泥天開斜景逼山出晚雲低  
餘濕猶沾草殘流尚入溪今宵有明月鄉思遠悽悽

宿武陽川

川暗夕陽盡孤舟泊岸初嶺猿相叫嘯潭影似空虛  
就枕滅明燭扣舷聞夜漁雞鳴問何處人物似秦餘

南山下與老圃種瓜

樵牧南山近林閭北郭餘先人留素業老圃作鄰家  
不種千株橘惟資五色瓜邵平如就我開徑剪蓬麻

泝江至武昌

家本洞湖上歲時歸思催客心徒欲速江路苦遭迴  
殘凍因風解新正度臘開行看武昌柳髮鬢映樓臺

歸至郢中

遠遊經海嶠返櫂歸山阿日夕見喬木鄉關在伐柯  
愁隨江路盡喜入郢門多左右看桑土依然卽匪他

閨情

一別隔炎涼君衣忘短長裁縫無處等以意忖情量  
畏瘦空傷窄防寒更厚裝半啼封裏了知欲寄誰將

南陽送客

李白

斗酒勿爲薄寸心貴不忘坐惜故人去偏令遊子傷  
離顏怨芳草春思結垂楊揮手再三別臨歧空斷腸

送張舍人之江東

張翰江東去正值秋風時天清一鴈遠海闊孤帆遲  
白日行欲暮滄波杳難期吳洲如見月千里幸相思

送友人

青山橫北郭白水遶東城此地一爲別孤蓬萬里征  
浮雲遊子意落日故人情揮手自茲去蕭蕭斑馬鳴  
送友人入蜀

見說蠶叢路崎嶇不易行山從人面起雲傍馬頭生

芳樹籠秦棧春流遶蜀城升沉應已定不必問君平

尋雍尊師隱居

羣峭碧摩天道遙不記年撥雲尋古道倚樹聽流泉  
花暖青牛臥松高白鶴眠語來江色暮獨自下寒烟  
訪戴天山道士不遇

犬吠水聲中桃花帶雨濃樹深時見鹿溪午不聞鐘  
野竹分青靄飛泉挂碧峯無人知所去愁倚兩三松  
秋登宣城謝朓北樓

江城如畫裏山曉望晴空兩水夾明鏡雙橋落彩虹  
人烟寒橘柚秋色老梧桐誰念北樓上臨風懷謝公



宮中行樂詞

寒雪梅中盡春風柳上歸宮鶯嬌欲醉檐燕語還飛  
遲日暎歌席新花豔舞衣晚來移彩仗行樂泥光輝  
繡戶香風暖紗窗曙色新宮花爭笑日池草暗生春  
綠樹間歌鳥青樓見無人昭陽桃李月羅綺自相親

金陵

六代興亡國三杯爲爾歌苑方秦地少山似洛陽多  
古殿吳花草淡宮晉綺羅併隨人事滅東逝與滄波

贈崔秋浦

吾愛崔秋浦宛然陶令風門前五楊柳井上二梧桐

山鳥下聽事簷花落酒中懷君未忍去惆悵意無窮  
江夏別宋之悌

楚水清若空遙將碧海通人分千里外興在一杯中  
谷鳥迎晴日江猿嘯晚風平生不下淚於此泣無窮

聽蜀僧濬彈琴

蜀僧抱綠綺西下峨眉峯爲我一揮手如聽萬壑松  
客心洗流水餘響入霜鐘不覺碧山暮秋雲暗幾重

寄鏡湖朱處士

李頎

澄霽晚流闊微風吹綠蘋鱗鱗遠峯見淡淡平湖春  
芳草日堪把白雲心所親何時可爲樂夢裏東山人

言集  
三  
宴陳十六樓

西樓對金谷此地古人心  
白日落庭內黃花生澗陰  
四鄰見疎木萬井度寒砧  
石上題詩處千年留至今

晚歸東園

荆扉帶郊郭稼穡滿東菑  
倚杖寒山暮鳴梭秋葉時  
回雲覆陰谷返景照霜黎  
澹泊真吾事清風別白茲

望秦川

秦川朝望迴日出正東  
峯遠近山河淨逶迤城闕重  
秋聲萬戶竹寒色五陵松  
客有歸歎歎淒其霜露濃  
覺公院施鳥石臺

石臺置香飯齋後施諸禽  
童子亦知善衆生無懼心  
苔痕蒼曉露盤勢出香林  
錫杖或圍繞吾師一念深

題沈隱侯八詠樓

崔顥

梁日東陽守爲樓望越中  
綠窓明月在青史古人空  
江靜聞山狄川長數塞鴻  
登臨白雲晚流恨此遺風

王家少婦

十五嫁王昌盈盈入畫堂  
自矜年最少復倚壻爲郎  
舞愛前溪綠歌憐子夜長  
閒來鬪百草度日不成妝

蘇氏別業

祖詠

別業居幽處到來生隱心  
南山當戶牖澧水映園林

竹覆經冬雪庭昏未夕陰寥寥人境外閒坐聽春禽

泊楊子岸

纜入維揚郡鄉關此路遙林葳初霽雨風退欲歸潮  
江火明沙岸雲帆礙浦橋客衣今日薄寒氣近來饒

過鄭曲

路向滎川夕晴來望盡通細烟生水上圓月在舟中  
岸勢迷行客秋聲亂草蟲旅懷勞自慰浙浙有涼風

陸渾水亭

晝眺伊川曲巖間霽色明淺沙平有路流水漫無聲  
浴鳥浴波聚潛魚觸釣驚夏憐春岸綠幽意滿前楹

宿陳留李少府揆廳

相知有叔卿訟簡夜彌清旅泊倦愁臥空堂聞曙夏  
風簾搖燭影秋雨帶蟲聲歸思那堪說悠悠限洛城  
中峯居喜見苗發

自得中峯住淡林亦閉關經秋無客到入夜有僧還  
暗磬泉聲小荒岡樹影閒高窻不可望星月滿空山  
江南旅情

楚山不可極歸路但蕭條海色晴看雨江聲夜聽潮  
劍留南斗近書寄北風遙爲報空潭橘無媒贈洛橋

送李擢遊江東

王昌齡

清洛日夜漲微風引孤舟離腸便千里遠夢生江樓  
楚國榕橘暗吳門煙雨愁東南具今古歸望山雲秋

客廣陵

樓頭廣陵近九月在南徐秋色明海縣寒烟生里閭  
夜帆歸楚客昨日渡江書爲問易名叟垂綸不見魚

靜法師東齋

築室在人境遂得真隱情春盡草木變雨來池館清  
琴書全雅道視聽已無生閉戶脫三界白雲自虛盈  
宿京江口期劉昉虛不至

霜天起長望殘月生海門風靜夜潮滿城高寒氣昏

故人何寂寞久已乖清言明發不能寐徒盈江上樽

閨情

王諲

日暮裁縫歇淡嫌氣力微纔能收篋笥懶起下簾帷  
怨坐空然燭愁眠不解衣昨來頻夢見夫婿莫應知

途中曉發

崔署

曉霽長風裏勞歌赴遠期雲輕歸海疾月滿下山遲  
旅望因高盡鄉心遇物悲故林遙不見况在落花時

與永樂諸公泛黃河作

閻防

煙淡載酒入但覺暮川虛映水見山火鳴榔聞夜漁  
愛茲山水趣忽與世人疎無暇燃官燭中流有望舒

從岐王過楊氏別業應教

王維

楊子談經處淮王載酒過興闌啼鳥緩坐久落花多  
逕轉迴銀燭林開散玉珂巖城時未啓前路擁笙歌  
輞川閒居贈裴秀才迪

寒山轉蒼翠秋水日潺湲倚杖柴門外臨風聽暮蟬  
渡頭餘落日墟里上孤烟復值接輿醉狂歌五柳前

山居秋暝

空山新雨後天氣晚來秋明月松間照清泉石上流  
竹喧歸浣女蓮動下漁舟隨意春芳歇王孫自可留  
歸嵩山作

清川帶長薄車馬去閒閒流水如有意暮禽相與還  
荒城臨古渡落日滿秋山迢遞嵩高下歸來且閉關

山居即事

寂寞掩柴扉蒼茫對夕暉鶴巢松樹遍人訪葦門稀  
嫩竹含新粉紅蓮落故衣渡頭燈火起處處採菱歸

送梓州李使君

萬壑樹參天千山響杜鵑山中一夜雨樹杪百重泉  
漢女輸檀布巴人訟芋田文翁翻教授不敢倚先賢

送楊長史赴果州

褒斜不容幘之子去何之鳥道一千里猿聲十二時

官橋祭酒客山木女郎祠別後同明月君應聽子規

秋夜獨坐

獨坐悲雙鬢空堂欲二更雨中山果落燈下草蟲鳴  
白髮終難變黃金不可成欲知除老病惟有學無生

觀獵

風勁角弓鳴將軍獵渭城草枯鷹眼疾雪盡馬蹄輕  
忽過新豐市還歸細柳營回看射鵰處千里暮雲平  
從岐王夜讌衛家山池應教

座客香貂滿宮娃綺幔張澗花輕粉色山月少燈光  
積翠紗牕曙飛泉繡戶涼還將歌舞出歸路莫愁長

韋給事山居

尋幽得此地詎有一人曾大壑隨堦轉羣山入戶登  
庖廚出溪竹印綬隔垂藤卽事辭軒冕誰云病未能

寄荊州張丞相

所患竟何在悵望淡荆門舉世無相識終身思舊恩  
方將興農圃藝植老丘園目盡南無鴈何由寄一言

送崔九興宗遊蜀

送君從此去轉覺故人稀徒御猶迴首田園方掩扉  
出門當旅食中路授寒衣江漢風流地遊人何歲歸

送張五諶歸宣城

五湖千萬里况復五湖西  
漁浦南陵郭人家春穀谿  
欲歸江淼淼未到草萋萋  
憶想蘭陵鎮可宜猿叟啼

送賀遂員外外甥

南國有歸舟荆門沂上流  
蒼茫葭葦外雲木與昭丘  
檣帶城烏去江連暮雨愁  
援聲不可聽莫待楚山秋

送孟六歸襄陽

閉門不復出久與世情疎  
以此爲長策勸君歸舊廬  
醉歌田舍酒笑讀古人書  
好是一生事無勞獻子虛

初出濟州別城中故人

微官易得罪謫去濟川陰  
執政方持法明君無此心

閭閻河潤上井邑海雲深  
縱有歸來日各愁年鬢侵

登裴秀才迪小臺

端居不出戶滿目望雲山  
落日鳥邊下秋原人外閒  
遙知遠林際不見此檐間  
好客多乘月應門莫上關

遊李山人所居因題屋壁

世人皆如夢狂來或自歌  
問年松樹老有地竹林多  
藥倩韓康賣門容尚子過  
翻嫌枕簟上無奈白雲何  
過感化寺曇興上人山院

暮持筇竹杖相待虎谿頭  
催客聞山響開房逐水流  
野花藜蘆好谷鳥一聲幽  
夜坐空林寂松風直似秋

鄭果州相過

麗日照殘春初晴草木新  
牀前磨鏡客樹下灌園人  
五馬驚窮巷雙童逐老身  
中廚辦麤飯當恕阮家貧

畱別錢起

卑棲却得性每與白雲歸  
徇祿仍懷橘看山免采薇  
暮禽先去馬新月待開扉  
霄漢時迴首知音青瑣闈

終南別業

中歲頗好道晚家南山陲  
興來每獨往勝事空自知  
行到水窮處坐看雲起時  
偶然值林叟談笑滯還期

歸輞川作

谷口疎鍾動漁樵稍欲稀  
悠然遠山暮獨向白雲歸  
菱蔓弱難定楊花輕易飛  
東臯春草色惆悵掩柴扉

漢江臨汎

楚塞三湘接荆門九派通  
江流天地外山色有無中  
郡邑浮前浦波瀾動遠空  
襄陽好風日畱醉與山翁  
待儲光義不至

重門朝已啓起坐聽車聲  
要欲聞清珮方將出戶迎  
晚鐘鳴上苑疎雨過春城  
了自不相顧臨堂空復情

酬張少府

晚年唯好靜萬事不關心  
自願無長策空知返舊林



言  
松風吹解帶山月照彈琴君問窮通理漁歌入浦溪  
朝川閑居

一從歸白社不復到青門時倚簷前樹遠看原上村  
青菰臨水映白鳥向山翻寂寞於陵子桔槔方灌園

終南山

太乙近天都連山到海隅白雲迴望合青靄入看無  
分野中峯變陰晴衆壑殊欲投人處宿隔水問樵夫  
晚春嚴少尹與諸公見過

松菊荒三徑圖書共五車烹葵邀上客看竹到貧家  
雀乳先春草鶯啼過落花自憐黃髮暮一倍惜年華

過香積寺

不知香積寺數里入雲峯古木無人逕深山何處鐘  
泉聲咽危石日色冷青松薄暮空潭曲安禪制毒龍

登辨覺寺

竹逕從初地蓮峯出化城窻中三楚盡林外九江平  
軟草承趺坐長松響梵聲空居法雲外觀世得無生

送張道士歸山

先生何處去王屋訪茅君別婦畱丹訣驅雞入白雲  
人間若刺住天上復離羣當作遼城鶴仙歌使爾聞  
送丘爲落第歸江東

憐君不得意况復柳條春為客黃金盡還家白髮新  
五湖三畝宅萬里一歸人知爾不能薦羞稱獻納臣

藍上茅茨期王維枉問

儲光義

山中人不見雲去夕陽過淺瀨寒魚少叢蘭秋蝶多  
老季疎世事幽性樂天和酒熟思才子谿頭望玉珂

張谷田舍

縣官清且儉深谷有人家一徑入寒竹小橋穿野花  
碓喧春碓滿梯倚綠桑斜自說年來稔前村酒可賒

遊感化寺曇興上人山院

裴迪

不遠灞陵邊安居向十年入門穿竹徑留客聽山泉

鳥囀深林裏心閑落照前浮名竟何益從此願栖禪

夏日過青龍寺謁操禪師

安禪一室內左右竹亭幽有法知不染無言誰敢酬  
鳥飛爭向夕蟬噪已先秋煩暑自茲適清涼何所求

携素饌過王維

慕容承

行行西陌返駐幃問車公挾轂雙官騎應門五尺童  
老年如塞北強起離牆東為報壺丘子來人道姓蒙

登潤州城

丘為

天末江城晚登臨客望迷春潮平島嶼殘雨隔虹霓  
鳥與孤帆遠烟和獨樹低鄉山何處是目斷廣陵西

題靈隱寺山頂禪院

綦母潛

招提此山頂下界不相聞塔影挂清漢鐘聲和白雲  
觀空靜室掩行道衆香焚且駐西來駕人天日未曛

題沈東美員外山池

仙郎偏好道鑿沼象瀛洲魚樂隨情性船行任去留  
奏人辨雞犬堯日識巢由歸客衙門外仍憐返景幽

剡谿館聞笛

丁仙芝

夜久聞羌笛寥寥虛客堂山空響不盡谿靜曲空長  
草木生邊氣城池泛夕涼虛然異風出髣髴宿平陽

夜渡淮

閻丘曉

舟人自相報落日下芳潭夜火連河市春風滿客帆  
水窮滄海畔路盡小山南且喜鄉園近言榮意未甘

山行

殷遙

寂歷青山曉山行趣不稀野花成子落江燕引雛飛  
暗草薰苔徑晴楊拂石磯俗人猶語此余亦轉忘歸

送友人下第歸省

君此卜行日高堂應夢歸莫將和氏淚滴着老萊衣  
嶽雨連河細田禽出麥飛到家調膳後吟好送斜暉

送韓九

高適

惆悵別離日徘徊歧路前歸人望獨樹匹馬隨秋蟬

言宗  
當與天下士許君兄弟賢良時正可用行矣莫徒然

送鄭侍御謫閩中

謫去君無恨閩中我舊過大都秋鴈少只是夜猿多  
東路雲山合南天瘴癘和自當逢雨露行矣慎風波

途中寄徐錄事

落日風雨至秋天鴻鴈初離憂不堪比旅館復何如  
君又幾時去我知音疎空多篋中贈長見右軍書

訓衛八雪中見寄

季冬憶淇上落日歸山樊舊宅帶流水平田臨古村  
雪中望來信醉裏開衡門果得希代寶絨之邢可論

別從甥萬盈

諸生曰萬盈四十乃知名宅相子偏重家丘人莫輕  
美才應自料苦節豈無成莫以山田薄今春又不耕

同衛八題陸少府書齋

知君薄州縣好靜無冬春散帙至棲鳥明燈留故人  
淡房臘酒熟高院梅花新若是周旋地當令風義親  
淇上別業

依依西山下別業桑林邊庭鴨喜多雨鄰雞知暮天  
野人種秋菜古老開原田且向世情遠吾今聊自然  
寄左省杜拾遺

岑參

聯步趨丹陛分曹限紫微曉隨天仗入暮惹御香歸  
白髮悲花落青雲羨鳥飛聖朝無闕事自覺諫書稀

高宮谷贈鄭郵

谷口來相訪空齋不見君澗花然暮雨潭樹暖春雲  
門徑稀人迹檐峯下鹿羣衣裳與枕席山靄碧氛氲

送鄭少少府赴滏陽

子真河朔尉邑里帶清漳春草迎袍色晴花拂綬香  
青山入官舍黃鳥度宮牆若到銅臺上應憐魏寢荒

送張子尉南海

不擇南州尉高堂有老親樓臺重屨氣邑里雜鮫人

海暗三山雨花明五嶺春此鄉多寶玉慎勿厭清貧

武威暮春聞宇文判官西使還已到晉昌

片雨過城頭黃鸝上戍樓塞花飄客淚邊柳挂鄉愁  
白髮悲明鏡青春換弊裘君從萬里使聞已到瓜州

巴南舟中夜書事

渡口欲黃昏歸人爭渡喧近鐘清野寺遠火點江邨  
見鴈思鄉信聞猿積淚痕孤舟萬里夜秋月不堪論

郡齋平望江山

水路東連楚人烟北接巴山光圍一郭江月照千家  
庭樹純栽橘園畦半種茶夢魂知憶處無夜不京華

南樓送衛憑

近縣多過客似君誠亦稀南樓取涼好便送故人歸  
鳥向望中滅雨侵晴處飛應須乘月去且爲解征衣

送杜佐下第歸陸渾別業

正月今欲半陸渾花未開出關見青草春色正東來  
夫子且歸去爾時方愛才還須及秋賦莫卽隱蒿萊  
還高冠潭口畱別舍弟

昨日山有信祇今畊種時遙傳杜陵叟怪我還山遲  
獨向潭上酌無人林下碁東谿憶汝處閒臥對鷓鴣

夏初醴泉南樓送太康顏少府

何地堪相餞南樓出萬家可憐高處送遠見故人車  
野果新成子庭槐欲作花愛君兄弟好書向穎中誇  
送陳子歸陸渾別業

雖不舊相識知君丞相家故園伊川上夜夢方山花  
種藥畏春過出關愁路賒青門酒壚別日暮東城鴉  
送顏少府投鄭州

一尉便垂白數年唯草玄出關策匹馬逆旅聞秋蟬  
愛客多酒債罷官無俸錢知君羈思少所適主人賢  
奉送李太保兼御史大夫充渭北節度使

詔出未央宮登壇近總戎上公周太保副相漢司空

弓抱關西月旗翻渭北風弟兄皆許國天地荷成功  
陝州月城樓送辛判官入奏

送客飛鳥外城頭樓最高樽前遇風雨牕裏動波濤  
謁帝向金殿隨身惟寶刀相思灞陵月祇有夢魂勞

暮秋會嚴京兆後廳竹齋

京兆小齋寬公庭半藥欄甌香茶色嫩窓冷竹聲乾  
盛德中朝貴清風畫省寒能將吏部鏡照取寸心看

題山寺僧房

牕影搖羣木牆陰載一峯野爐風自蕪山碓水能春  
勤學翻知誤為官好欲慵高僧暝不見月出但聞鐘

初授官題高冠草堂

三十始一命宦情多欲闌自憐無舊業不敢恥微官  
澗水吞樵路山花醉藥欄祇緣五斗米辜負一漁竿

題虢州西樓

錯料一生事蹉跎今白頭縱橫皆失計妻子也堪羞  
明主雖然棄丹心亦未休愁來無去處祇上郡西樓

登兗州城樓

杜甫

東郡趨庭日南樓縱目初浮雲連海岱平野入青徐  
孤嶂秦碑在荒城魯殿餘從來多古意臨眺獨躊躇  
端午日賜衣

宮衣亦有名端午被恩榮細葛含風軟香羅疊雪輕  
自天題處溼當暑着來清意內稱長短終身荷聖情

九月一日過孟十二倉曹十四主簿兄弟

藜杖侵寒露蓬門啓曙煙力稀經樹歇老困撥書眠  
秋覺追隨盡來因孝友偏清談見滋味爾輩可忘年

落日

落日在簾鉤谿邊春事幽芳菲綠岸圃樵爨倚灘舟  
啁雀爭枝墜飛蟲滿院遊濁醪誰造汝一酌散千憂

倚杖

看花雖郭外倚杖即谿邊山縣早休市江橋春聚船

狎鷗輕白浪歸鴈喜青天物色兼生意淒涼憶去年

移居夔州郭

伏枕雲安縣遷居白帝城春知催柳別江與放船清  
農事聞人說山光見鳥情禹功饒斷石且就土微平

觀安西兵馬過赴關中待命

奇兵不在衆萬馬救中原談笑無河北心肝奉至尊  
孤雲隨殺氣飛鳥避轅門竟日畱歡樂城池未覺喧

晨雨

小雨晨光內初來葉上聞霧交纔灑地風折旋隨雲  
暫起柴荆色輕霑鳥獸羣麝香山一半亭午未全分



雨

微雨不滑道斷雲疎復行紫崖奔處黑白鳥去邊明  
秋日新霑影寒江舊落聲柴扉臨野碓半濕搗香杭

苦竹

青冥亦自守軟弱強扶持味苦夏蟲避叢卑春鳥疑  
軒墀曾不重翦伐欲無辭幸近幽人屋霜根結在茲

白小

白小羣分命天然二寸魚細微霑水族風俗當園蔬  
入肆銀花亂傾箱雪片虛生成猶拾卵盡取義何如

房兵曹胡馬

胡馬大宛名鋒稜瘦骨成竹批雙耳峻風入四蹄輕  
所向無空闊真堪托死生驍騰有如此萬里可橫行  
對雨書懷走邀許主簿

東嶽雲峯起溶溶滿太虛震雷翻幕燕驟雨落河魚  
座對賢人酒門聽長者車相邀愧泥濘騎馬到堦除  
夜宴左氏莊

風林纖月落衣露淨琴張暗水流花徑春星帶草堂  
檢書燒燭短看劍引杯長詩罷聞吳詠扁舟意不忘  
陪鄭廣文遊何將軍山林

百頃風潭上千章夏木清卑枝低結子接葉暗巢鶯

詩宗

八

鮮鯽銀絲鱠香芹碧礪羹翻疑柂樓底晚飯越中行  
旁舍連高竹疎籬帶晚花碾渦淡沒馬藤蔓曲藏蛇  
詞賦工無益山林迹未賒盡拈書籍賣來問爾東家  
牀上書連屋階前樹拂雲將軍不好武稚子搃能文  
醒酒微風入聽詩靜夜分絺衣挂蘿薜涼月白紛紛

重過何氏

落日平臺上春風啜茗時石欄斜點筆桐葉坐題詩  
翡翠鳴衣桁蜻蜓立釣絲自今幽興熟來往亦無期  
問訊東橋竹將軍有報書倒衣還命駕高枕乃吾廬  
花妥鸞捎蝶溪喧懶趁魚重來休沐地真作野人居

熱

雷霆空霹靂雲雨竟虛無炎赫衣流赫低垂氣不蘇  
乞為寒水玉願作冷秋菰何似兒童歲風涼出舞雩

春望

國破山河在城春草木深感時花濺淚恨別鳥驚心  
烽火連三月家書抵萬金白頭搔更短渾欲不勝簪

天末懷李白

涼風起天末君子意如何鴻鴈幾時到江湖秋水多  
文章憎命達魑魅喜人過應共冤魂語投詩贈汨羅  
月

天上秋期近人間月影清入河蟾不沒搗藥兔長生  
只益丹心苦能添白髮明干戈知滿道休照國西營

春宿左省

花隱掖垣暮啾啾棲鳥過星臨萬戶動月傍九霄多  
不寢聽金鑰因風想玉珂明朝有封事數問夜如何

晚出左掖

晝刻傳呼淺春旗簇仗齊退朝花底散歸院柳邊迷  
樓雪融城濕宮雲去殿低避人焚諫草騎馬欲雞栖

送翰林張司馬南海勒碑

冠冕通南極文章落上台詔從三殿去碑到百蠻開

野館濃花發春帆細雨來不知滄海上天遣幾時迴

秦州雜詩

秦州城北寺勝跡隗囂宮苔蘚山門古丹背野殿空  
月明垂葉露雲逐度溪風清渭無情極愁時獨向東  
傳道東柯谷深藏數十家對門藤蓋瓦暎竹水穿沙  
瘦地翻空粟陽坡可種瓜船人相近報但恐失桃花  
邊秋陰易夕不復辨晨光蒼雨亂淋幔山雲低度墻  
鷓鴣窺淺井蚯蚓上溪堂車馬何蕭索門前百草長

望野

清秋望不極迢遞起層陰遠水兼天淨孤城隱霧深

葉稀風夏落山迴日初沉獨鶴歸何晚昏鴉已滿林

蕃劍

致此自僻遠又非珠玉裝如何有奇怪每夜吐光芒  
虎氣必騰上龍身寧久藏風塵苦未息持汝奉明王

螢火

幸因腐草出敢近太陽飛未足臨書卷時能點客衣  
隨風隔幔小帶雨傍林微十月清霜重飄零何處歸

促織

促織甚微細哀音何動人草根吟不穩牀下夜相親  
久客得無淚故妻難及晨悲絲與急管感激異天真

擣衣

亦知戍不返秋至拭清砧已近苦寒月况經長別心  
寧辭搗衣倦一寄塞垣深用盡閨中力君聽空外音

送遠

帶甲滿天地胡爲君遠行親朋盡一哭鞍馬去孤城  
草木歲月晚關河霜雪清別離已昨日因見古人情

後遊

寺憶曾遊處橋憐再渡時江山如有待花柳更無私  
野潤煙光薄沙暄日色遲客愁全爲減捨此復何之

水檻遣心

詩宗

千集

去郭軒楹敞無村眺望賒澄江平少岸幽樹晚多花  
細雨魚兒出微風燕子斜城中十萬戶此地兩三家

春夜喜雨

好雨知時節當春乃發生隨風潛入夜潤物細無聲  
野徑雲俱黑江船火獨明曉看紅溼處花重錦官城

晚晴

村晚驚風度庭幽過雨霑夕陽薰細草江色映疎簾  
書亂誰能帙杯乾自可添時閒有餘論未怪老夫潛

江亭

坦腹江亭暖長吟野望時水流心不競雲在意俱遲

寂寂春將晚欣欣物自私故林歸未得排悶強裁詩

江漲

江發蠻夷漲山添雨雪流大聲吹地轉高浪蹴天浮  
魚鼈爲人得蛟龍不自謀輕帆好去便吾道付滄洲

客夜

客睡何曾着秋天不肯明入簾殘月影高枕遠江聲  
計拙無衣食途窮仗友生老妻書數紙應悉未歸情

客亭

秋窻猶曙色木落夏天風日出寒山外江流宿霧中  
聖朝無棄物老病已成翁多少殘生事飄零任轉蓬

放船

送客蒼溪縣山寒雨不開直愁騎馬滑故作汎舟迴  
青惜峯巒過黃知橘柚來江流大自在坐穩興悠哉

送元二適江左

亂後今相見秋深復遠行風塵爲客日江海送君情  
晉室丹陽尹公孫白帝城經過自愛惜取次莫論兵  
屏迹

晚起家何事無營地轉幽竹光團野色舍影漾江流  
失學從兒懶長貧任婦愁百年渾得醉一月不梳頭  
陪王使君晦日泛江就黃家亭子

山豁何時斷江平不肯流稍知花改岸始驗鳥隨舟  
結束多紅粉歡娛恨白頭非君愛人客晦日更添愁

滕王亭子

寂寞春山路君王不復行古牆猶竹色虛閣自松聲  
鳥雀荒邨暮雲霞過客情尚思歌吹入千騎把霓旌  
倦夜

竹涼侵臥內野月滿庭隅重露成涓滴稀星乍有無  
暗飛螢自照水宿鳥相呼萬事干戈裏空悲清夜徂  
別房太尉墓

他鄉復行役駐馬別孤墳近淚無乾土低空有斷雲

詩宗 卷之十集  
對碁陪謝傳把劔覓徐君惟見林花落鶯啼送客聞

薄遊

浙浙風生砌團團日隱牆遙空秋鴈減半嶺暮雲長  
病葉多先墜寒花只暫香巴城添眼淚今夕復清光

禹廟

禹廟空山裏秋風落日斜荒庭垂橘柚古屋畫龍蛇  
雲氣生虛壁江聲走白沙早知乘四載疏鑿控三巴

旅夜書懷

細草微風岸危檣獨夜舟星隨平野闊月湧大江流  
名豈文章著官因老病休飄飄何所似天地一沙鷗

早起

春來常早起幽事頗相關帖石防頽岸開林出遠山  
一丘藏曲折緩步有躋攀童僕來城市餅中得酒還

謁真諦寺禪師

蘭若山高處烟霞嶂幾重凍泉依細石晴雪落長松  
問法看詩妄觀身向酒慵未能割妻子卜宅近前峯  
船下夔州郭宿雨濕不得上岸別王十二判官  
依沙宿舸船石瀨月娟娟風起春燈亂江鳴夜雨懸  
晨鐘雲外溼勝地石堂偏柔櫓輕鷗外含悽覺汝賢

雨晴

詩宗

卷之十集

雨時山不改晴罷峽如新天路看殊俗秋江思殺人  
有猿揮淚盡無犬附書頻故國愁眉外長歌欲損神

宿昔

宿昔青門裏蓬萊仗數移花嬌迎雜樹龍喜出平池  
落日雷王母微風倚少兒宮中行樂祕少有外人知

孤鴈

孤鴈不飲啄飛鳴聲念羣誰憐一片影相失萬重雲  
望盡似猶見哀多如夏間野鴉無意緒鳴噪自紛紛

朝

清旭楚宮南霜空萬嶺含野人時獨往雲木曉相參

俊鶻無聲過飢鳥下食貪病身終不動搖落任江潭  
浦帆晨初發郊扉冷未開村疎黃葉墜野靜白鷗來  
礎潤休全濕雲晴欲半回巫山冬可怪昨夜有奔雷

吾宗

吾宗老孫子質朴古人風耕鑿安時論衣冠與世同  
在家常早起憂國願年豐語及君臣際經書滿腹中

雷

巫峽中宵動滄江十月雷龍蛇不成蟄天地劃爭回  
却碾空山過淡盤絕壁來何須鬪雲雨霹靂楚王臺

獨酌



言集  
步履深林晚開樽獨酌遲仰蜂黏落絮行蟻上枯梨  
薄劣慙真隱幽偏得自怡本無軒冕意不是傲當時

中宵

西閣百尋餘中宵步綺疏飛星過水白落月動沙虛  
擇木知幽鳥潛波想巨魚親朋滿天地兵甲少來書

秋野

身許麒麟畫年衰鷓鴣羣大江秋易盛空峽夜多聞  
徑隱千重石帆留一片雲兒童解蠻語不必作參軍

草閣

草閣臨無地柴扉永不關魚龍迴夜水星月動秋山

久露晴初溼高雲薄未還泛舟慙少婦飄泊損紅顏

溪上

峽內淹留客溪邊四五家古苔生窄地秋竹隱疎花  
塞俗人無井山田飯有沙西江使船至時復問京華

江漢

江漢思歸客乾坤一腐儒片雲天共遠永夜月同孤  
落日心猶壯秋風病欲蘇古來存老馬不必取長途  
從驛次草堂復至東屯

短景難高臥衰年強此身山家蒸栗暖野飯射麋新  
世路知交薄門庭畏客頻牧童斯在眼田父實爲鄰

有感

洛下舟車入天中  
貢賦均日聞  
紅粟腐寒待翠華  
春莫取金湯固長  
令宇宙新  
不過行儉德盜賊  
本王臣  
課小豎鉏所舍  
北果林荒穢淨  
訖移床

籬弱門何向沙虛岸  
只摧日斜魚更食客  
散鳥還來寒水光  
難定秋山響易哀  
天涯稍曛黑倚杖  
更徘徊

日暮

牛羊下來久各已  
閉柴門風月自清  
夜江山非故園  
石泉流暗壁草露  
滴秋原頭白明燈  
裏何須花燼繁  
季秋蘇五弟纓江  
樓夜宴崔十三評  
事韋少府

姪

對月那無酒登樓  
况有江聽歌驚白  
鬢笑舞拓秋窓  
罇蟻添相續沙鷗  
竝一雙盡憐君醉  
倒更覺片心降

暮春題灤西新賃草屋

綵雲陰復白錦樹  
曉來青身世雙蓬  
鬢乾坤一草亭  
哀歌時自惜醉舞  
爲誰醒細雨荷鋤  
立江猿吟翠屏  
嚴鄭公宅同詠竹

綠竹半含穉新梢  
纔出墻色侵書帙  
晚陰過酒罇涼  
雨洗涓涓淨風吹  
細細香但令無剪  
伐會見拂雲長  
登岳陽樓

昔聞洞庭水今上岳陽樓吳楚東南坼乾坤日夜浮  
親朋無一字老病有孤舟戎馬關山北憑軒涕泗流  
衡州送李大夫七丈勉赴廣州

斧鉞下青冥樓船過洞庭北風隨爽氣南斗避文星  
日月籠中鳥乾坤水上萍王孫丈人行垂老見飄零

寄李侍御

張謂

柱下聞周史書中慰越吟近看三歲字遙見百年心  
價以吹噓長恩從顧眄淡不栽桃李樹何日得成陰  
郡南亭子宴

亭子春城外朱門向綠林柳枝經雨重松色帶煙淡

漉酒迎山客穿池集水禽白雲常在眼聊足慰人心

過從弟制疑官竹齋

羨爾方爲吏衡門獨晏如野猿偷紙筆山鳥污圖書  
竹裏藏公事花間隱使車不妨垂釣坐時膾小江魚

破山寺後禪院

清晨入古寺初日照高林曲徑通幽處禪房花木深  
山光悅鳥性潭影空人心萬籟此俱寂惟聞鐘磬音

岳陽晚景

張均

晚景寒鷗集秋風旅鴈歸水光浮日出霞彩映江飛  
洲白蘆花吐園红柿葉稀長沙卑濕地九月未成衣

詩宗午集卷十三

詩宗午集卷十四

律詩 五言二百三十八首

松江獨宿

劉長卿

(中唐)

洞庭初下葉孤客不勝愁  
明月天涯夜青山江上秋  
一官成白首萬里寄滄洲  
久被浮名繫能無媿海鷗  
餘干旅舍

搖落暮天迴青楓霜葉稀  
孤城向水閉獨鳥背人飛  
渡口月初上隣家漁未歸  
鄉心正欲絕何處搗寒衣  
經漂母墓

昔賢懷一飯茲事已千秋  
古墓樵人識前朝楚水流

言宗 下集  
渚蘋行客薦山木杜鵑愁春草茫茫綠王孫舊此遊

碧礪別墅喜皇甫侍御相訪

荒村帶晚照落葉亂紛紛古路無行客空山獨見君  
野橋經雨斷澗水向田分不爲憐同病何人到白雲  
海鹽官舍早春

小邑滄洲吏新年白首翁一官如遠客萬事極飄蓬  
柳色孤城裏鶯聲細雨中羈心早已亂何事更春風

尋南溪常道士

一路經行處莓苔見屐痕白雲依靜渚芳草閉閑門  
過雨看松色隨山到水源溪花與禪意相對亦忘言

過湖南羊處士別業

杜門成白首湖上寄生涯秋草蕪三逕寒塘獨一家  
鳥歸村落靜水向縣城斜愛子醒還醉東籬菊正花

送汾城王主簿

韋應物

少年初帶印汾上又經過芳草歸時徧情人故郡多  
禁鐘春雨細宮樹野煙和相望東橋別微風起夕波

送榆次林明府

無嗟千里遠亦是宰王畿策馬雨中去逢人關外稀  
邑傳榆石在路遠晉山微別思方蕭索秋風一葉飛  
淮上喜會梁州故人

詩宗

下集

二

言集  
江漢曾爲客相逢每醉還浮雲一別後流水十年間  
歡笑情如舊蕭疎鬢已斑何因不歸去淮上有秋山

月夜會徐十一草堂

空齋無一事岸幘故人期暫輟觀書夜還題翫月詩  
遠鐘高枕後清露捲簾時暗覺新秋近殘河欲曙遲

送普門上人還陽羨

皇甫曾

花宮難久別道者憶千燈殘雪入林路暮山歸寺僧  
日光依嫩草泉響滴春冰何用求方便看心是一乘

贈鄰居齊六司倉

錢起

沉冥衆所遺咫尺絕佳期始覺衡門下儻然太古時

雞聲共林巷燭影隔茅茨坐惜牛羊徑芳蓀白露滋

秋夜寄袁中丞王員外

一夕盈千念方知別者勞衰榮難會面魂夢暫同袍  
片月臨階早晴河度鴈高應憐蔣生逕秋露滿蓬蒿

谷口書齋寄楊補闕

泉聲帶茅茨雲霞生薜帷竹憐新雨後山愛夕陽時  
閒鷺栖常早秋花落更遲家僮掃蘿徑昨與故人期

九日閒居寄登高數子

初服棲窮巷重陽憶舊遊門閒謝病日心醉授衣秋  
酒盡寒花笑庭空暝雀愁今朝落帽客幾處管絃留

送夏侯審校書東歸

楚鄉飛鳥沒，獨與碧雲還。  
破鏡催歸客，殘陽見舊山。  
詩成流水上，夢盡落花間。  
儻寄相思字，愁人定解顏。

秋夕與梁鎰文宴

客到衡門下，林香蕙草時。  
好風能自至，明月不須期。  
秋葉翻荷影，晴光脆柳枝。  
留懽美清夜，寧覺曉鐘遲。

送錢大

郎士元

暮蟬不可聽，落葉豈堪聞。  
共是悲秋客，那知此路分。  
荒城背流水，遠鴈入寒雲。  
陶令東籬菊，餘花可贈君。  
長安逢故人

數年音信斷，不意在長安。  
馬上相逢久，人中欲認難。  
一官今嬾道，雙鬢竟羞看。  
莫問生涯事，只應持釣竿。

春日宴張舍人宅

懶尋芳草逕來，接待臣筵。  
山色知殘雨，牆陰覺暮天。  
鶯歸漢宮柳，花隱杜陵烟。  
地與東鄰接，春光醉目前。

冬夕寄青龍寺源公

斂屨入寒竹，安禪過漏聲。  
高杉殘子落，淡井凍痕生。  
罷磬風枝動，懸燈雪屋明。  
何當招我宿，乘興上方行。

題慈恩寺振上人房

韓翃

披衣聞客至，關鎖此時開。  
鳴磬夕陽盡，捲簾秋色來。

名香連竹徑清梵出花臺身在心無住他方到幾回

題薦福寺衡陽岳師房

春城乞食還高論此中間僧臘塔前樹禪心江上山  
疎簾看雪捲深戶映花關晚送門人去鐘聲杳靄間

華州夜宴庾侍御宅

世故他年別心期此夜同千峯孤竹外片雨一夏中  
酒客逢山簡詩人得謝公自憐驅匹馬拂曙向關東

秋夜汎舟

劉方平

林塘夜汎舟蟲響荻颼颼萬影皆因月千聲各爲秋  
歲華空復晚鄉思不堪愁西北浮雲外伊川何處流

和孟虔州閒齋卽事

包何

古郡隣江嶺公庭半薜蘿府寮閒不入山鳥靜偏過  
睥睨臨花柳闌干枕芰荷麥秋今已至君聽兩歧家

送都尉歸邊

盧綸

好勇知名早爭雄上將間戰多春入塞獵慣夜燒山  
合陣龍蛇動移軍草木閑今來部曲盡白首過蕭關

夜中得循州趙司馬侍郎書因寄回使

瘴海寄雙魚中宵達我居兩行燈下淚一紙嶺南書  
地說炎蒸極人稱老病餘慙勤報賈諠莫共酒杯疎  
同薛存誠登栖巖寺



衰蹇步難前上山如上天塵埃來自晚猿鳥到何先  
萬壑應孤磬百花通一泉蒼蒼此明月下界正沈眠  
落第後歸終南別業

久爲名所誤春盡始歸山落羽羞言命逢人強破顏  
交疎貧病裏身老是非間不及東溪月漁翁夜往還

同崔峒慈恩寺避暑

寺涼高樹合臥石綠雲中伴鶴慙仙侶依僧學老翁  
魚沉荷葉露鳥散竹林風始悟塵居者應將火宅同  
寄司空曙

壯志隨年盡謀身獨未安艱危交契絕老大別離難

臘近晴多暖春遲夜却寒誰憐少兄弟五十未爲官

茂陵山行陪韋金部

李端

宿雨朝來歇空山秋氣清盤雲雙鶴下隔水一蟬鳴  
古道黃花落平蕪赤燒生茂陵雖有病猶得伴君行

江上逢司空曙

共爾鬢年故相逢萬里餘新春兩行淚故國一封書  
夏口帆初泊潯陽鴈已疎惟當執杯酒暫食漢江魚  
晚遊東田寄司空曙

暮來忠遠客獨立在東田片雨無妨景殘虹不映天  
別愁逢夏果歸興入秋蟬莫作隳官意陶公未必賢

題崔端公園林

上士愛清輝開門向翠微  
抱琴看鶴去枕石待雲歸  
野坐苔生席高眠竹挂衣  
舊山東望遠惆悵暮花飛

過谷口道士

司空曙

一見林中客閒知州縣勞  
白雲秋色遠蒼嶺夕陽高  
自說名因石誰逢手種桃  
丹經倘相授何事戀青袍

雲陽館與韓紳宿別

故人江海別幾度隔山川  
乍見翻疑夢相悲各問年  
孤燈寒照雨淡竹暗浮煙  
更有明朝恨離杯惜共傳

田家

田家喜雨足鄰老相招携  
泉溢溝塍壤麥高桑柘低  
呼兒催放犢宿客待烹雞  
搔首蓬門下如將軒冕齊

送王先生歸南山

儒中年最老獨有濟南生  
愛子方傳業無官自耦耕  
竹通山舍遠雲接雪田平  
願作門人去相隨隱姓名

經廢寶慶寺

黃葉前朝寺無僧寒殿開  
池晴龜出曝松暝鶴飛回  
古砌碑橫草陰廊畫雜苔  
禪宮亦銷歇塵世轉堪哀

早朝

耿漳

鐘鼓餘聲裏千官向紫微  
冒寒人語少乘月燭來稀

清漏聞馳道輕霞映瓌闈猶看嘶馬處未啓掖垣扉

西亭卽事

高亭賓客散暑夜最相和細汗凝衣集微涼待扇過  
風還池色定月晚樹陰多遙想隨行者珊珊動曉珂

贈田家翁

老人迎客處籬落稻畦間蠶屋朝寒閉田家晝雨閒  
門閭新薙草樵采舊諳山自道誰相友邀人試往還

題崇福寺禪師院

崔峒

僧家竟何事掃地與焚香清磬度山翠閑雲來竹房  
身心塵外遠歲月坐中忘向晚禪堂掩無人空夕陽

送陸明府之盱眙

陶令之官去離愁慘別魂白烟連海戍紅葉近淮村  
遠浪搖山郭平蕪到縣門政成堪吏隱免負府公恩  
宿禪智寺上方演大師院

石林高幾許金刹在中峯白日空山梵清霜後夜鐘  
竹窓迴翠壁苔逕入寒松幸接無生法疑心怯所從

酬王侍御西陵渡見寄

嚴維

前年萬里別昨日一封書郢曲西陵渡秦官使者車  
柳塘薰晝日花水溢春渠若不嫌雞黍先令掃弊廬  
同韓員外宿雲門寺

詩集  
小嶺路雖近仙郎此夕過潭空觀月定澗靜見雲多  
竹翠烟淡色松聲雨點和萬緣俱不有對境自垂蘿  
奉和皇甫大夫夏日遊華嚴寺

時大夫昆季同行

初地華嚴會王家少長行到宮龍節駐禮塔鴈行成  
蓮界千峯靜梅天一雨清禪庭未可戀聖主寄蒼生

新安江行

章八元

江源南出永野飯暫維梢古戍懸魚網空林露鳥巢  
雪晴山脊現沙淺浪痕交自笑無媒者逢人作解嘲

曉次淮陽

張繼

微涼風葉下楚俗轉清閒候館臨秋水郊扉掩暮山  
月明朝漸滿露溼鴈初還浮客了無定萍流淮海間

洛陽早春

顧况

何地避春愁終年憶舊遊一家千里外百舌五更頭  
客路偏逢雨鄉山不入樓故園桃李月伊水向東流

桂州臘夜

戎昱

坐到三更盡歸仍萬里賒雪聲偏傍竹寒夢不離家  
曉角分殘漏孤燈落碎花二年隨驃騎辛苦向天涯

哭長孫侍御

杜誦

道為詩書重名因雅頌雄禮闈曾擢桂憲府舊乘驄

流水生涯盡浮雲世事空惟餘舊臺柏蕭颯九原中

寄興園池鶴上劉相公

張衆父

馴狎經時久褰褫短翮存不隨淮海變空愧稻梁恩  
獨立秋天靜單栖夕露繁欲飛還斂翼詎敢望乘軒

晚投南村

衛葉

客行逢日暮原野散秋暉南陌人初斷西林鳥盡歸  
暗蓬沙上轉寒葉月中飛邨落無多在聲聲近擣衣

喜見外弟又言別

李益

十年離亂後長大一相逢問姓驚初見稱名憶舊容  
別來滄海事語罷暮天鐘明日巴陵道秋山又幾重

宿王尊師居

于鵠

夜愛雲林好寒天月裏行青牛眠樹影白犬吠猿聲  
一磬山院靜千燈溪路明從來此峯客幾箇得長生

感秋林

姚倫

試向東林望方悲節物殊亂聲千葉下寒影一巢孤  
不蔽秋天鴈驚飛夜月烏霜風與春日幾度遣榮枯

冬日野望

于良史

地際朝陽滿天邊宿霧收風兼殘雪起河帶斷冰流  
北闕馳心極南圖尚旅遊登臨思不已何處可銷憂

閒居寄薛華

詩宗

詩集

隱几讀黃老閒居耳目清僻居人事少多病道心生  
雨洗山木濕鴉鳴池館晴晚來因廢卷行藥至西城

除夜宿石頭驛

戴叔倫

旅館誰相問寒燈獨可親一年將盡夜萬里未歸人  
寥落悲前事支離笑此身愁顏與衰鬢明日又逢春  
客舍秋懷呈駱正字士則

無言堪自喻偶坐更相悲木落驚年長門閑惜草衰  
買山猶未得諫獵又非時設被浮名繫歸休慚欲遲  
別董校書

擾擾倦行役相逢陳蔡間如何百年內不見一人間

對酒惜餘景問程愁亂山秋風萬里道又出穆陵關

畱別宋處士

畱歡方繼燭此會豈他人鄉里遊從舊兒童內外親  
夜深愁不醉老去別何頻莫折園中柳相看惜暮春  
逢友生言懷

安親非避地羈旅十餘年道長時流許家貧故舊憐  
相逢今歲暮遠別一方偏去住俱難說江湖正渺然

贈韋評事儋

與道共浮沉人間歲月深是非園吏夢憂喜塞翁心  
細草誰開徑芳條自結陰由來居物外無事可抽簪

早行寄朱山人放

山曉旅人去天高秋氣悲  
明河川上沒芳草露中衰  
此別又萬里少年能幾時  
心知剡溪路聊且寄前期

登西靈塔

陳潤

塔廟山招提登臨碧海西  
不知人意遠漸覺鳥飛低  
稍與雲霞近如將日月齊  
遷喬未得意徒欲躡雲梯

題山寺

楊衡

千峯白露後雲壁挂殘燈  
曙色海邊日經聲松下僧  
意閑門不閉年去水空澄  
稽首如何問森羅盡一乘

秋日過鴻舉法師寺送歸江陵

劉禹錫

看盡長廊畫尋僧一逕幽  
小池兼鶴淨古木帶蟬秋  
客至茶煙起禽歸講席收  
浮杯明日去相望水悠悠

秋日送客

候吏立沙際田家連竹溪  
楓林社日鼓茅屋午時雞  
雀噪晚禾地蝶飛秋草畦  
驛樓宮樹近疲馬再三嘶

秋日暑退贈白樂天

暑服空秋着清琴入夜彈  
人情皆向菊風意欲摧蘭  
歲稔貧心泰天涼病體安  
相逢取次第却甚少年歡

新秋寄樂天

月露發光彩此時方見秋  
夜涼金氣應天靜火星流

蟲響偏依井螢飛直過樓相知盡白首清景復追遊

宿龍宮灘

韓愈

浩浩復湯湯灘聲抑復揚奔流疑激電驚浪似浮霜  
夢覺燈生暈宵殘雨送涼如何連曉語一半是思鄉

大行皇太后挽歌

威儀備吉凶文物雜軍容配地行新祭因山托故封  
鳳飛終不返劔化會相從無復臨長樂空聞報曉鐘  
追攀萬國來警衛百神陪畫翬登秋殿容衣入夜臺  
雲隨仙馭遠風助聖情哀只有朝陵日妝奩一暫開

閒遊

茲遊苦不數再到遂經旬萍蓋汚池淨藤籠老樹新  
林鳥鳴訝客岸竹長遮鄰子雲祇自守奚事九衢塵  
奉酬天平馬十二僕射暇日言懷見寄之作

天平篇什外政事亦無雙威令加徐土儒風被魯邦  
清爲公論重寬得士心降歲晏偏相憶長謠坐北窓

獨釣

獨往南塘上秋晨景氣醒露排四岸草風約半池萍  
鳥下見人寂魚來聞餌馨所嗟無可召不得倒吾甌  
詠燈花同侯十一

今夕知何夕花然錦帳中自能當雪暖那肯待春紅



言  
黃裏排金粟釵頭綴玉蟲  
憂煩將喜事來報主人公

次石頭驛寄江西王十中丞閣老

憑高試迴首一望豫章城  
人由戀德泣馬亦別羣  
鳴寒日夕始照風江遠漸平  
默然都不語應識此時情

送桂州嚴大夫

蒼蒼森入桂茲地在湘南  
江作青羅帶山如碧玉簪  
戶多輸翠羽家自種黃甘  
遠勝登仙去飛鸞不假驂  
奉和僕射裴相公感恩言志

文武成功後居爲百辟師  
林園窮勝事鐘鼓樂清時  
擺落遺高論雕鐫出小詩  
自然無不可范蠡爾其誰

送文暢上人東遊

呂溫

隨緣聊振錫高步出東城  
水出無恆地雲行不計程  
到時爲彼岸過處卽前生  
今日臨歧別吾徒自有情

薊北旅思

張籍

日日望鄉國空歌白紵詞  
長因送人處憶得別家時  
失意還獨語多愁祇自知  
客亭門外柳折盡向南枝  
送從弟戴玄往蘇州

楊柳閭門路悠悠水岸斜  
乘舟向山寺着屐到漁家  
夜月紅柑樹秋風白藕花  
江天詩景好回日莫令賒  
夜到漁家

言宗  
漁家在江口潮水入柴扉行客欲投宿主人猶未歸  
竹溪村路遠月出釣船稀遙見尋沙岸春風動草衣

和左司秋居

菊地纔通履茶房不壘階憑醫看蜀藥寄信覓吳鞋  
盡得仙家法多隨道客齋本無榮辱意不是覺安排  
自知清淨好不要問詩豪就石安琴枕穿松壓酒槽  
山情因月甚詩語入秋高身外無餘事惟應筆硯勞

古樹

古樹枝柯少枯來復幾春露根堪繫馬空腹定藏人  
蠹節莓苔老燒痕霹靂新若當江浦上行客祭爲神

原上新居

王建

長安無舊識百里是生涯寂寞患逢友荒涼喜見花  
訪僧求賤藥將馬中豪家乍得新蔬菜朝盤忽覺奢  
雞鳴邨舍遙花發亦蕭條野竹初生筍溪田未得苗  
家貧童僕瘦春冷菜蔬焦甘分長如此無名在聖朝  
自掃一間房唯鋪獨臥床野羹溪菜滑山紙水苔香  
陳藥初和白新經未入黃近來心力少休讀養生方

縣丞廳卽事

宮殿半山上人家高下居古廳眠受魘老吏語多虛  
雨水洗荒竹溪沙填廢渠聖朝收外府皆自九天除

詩宗

王建

十五

閒居卽事

老病貪光景尋常不下簾  
妻愁耽酒癖人怪考詩嚴  
小婢偷紅紙嬌兒弄白髯  
有時看舊卷未免意中嫌

草

白居易

離離原上草一歲一枯榮  
野火燒不盡春風吹又生  
遠芳侵古道晴翠接荒城  
又送王孫去萋萋滿別情

履道春居

微雨灑園林新晴好一尋  
低風洗池面斜日折花心  
暝助嵐陰重春添水色淡  
不如陶省事猶抱有絃琴

題新昌所居

宅小人煩悶泥淡馬鈍頑  
街東閒處住日午熱時還  
院窄難栽竹墻高不見山  
唯應方寸內此地覺寬閑

百花亭

朱檻在空虛涼風八月初  
山形如峴首江色似桐廬  
佛寺乘舟入人家枕水居  
高亭仍有月今夜宿何如

宴散

小宴追涼散平橋步月迴  
笙歌歸院落燈火下樓臺  
殘暑蟬催盡新秋鴈帶來  
將何迎睡興臨臥舉殘杯

酬夢得秋夜

焰細燈將盡聲遙漏正長  
老人秋向火小女夜縫裳

言宗 不牛集  
菊悴籬經雨萍銷水得霜今冬暖寒酒已擬共君嘗

池上

嫋嫋涼風動淒淒寒露零蘭衰花始白荷破葉猶青  
獨立棲沙鶴雙飛照水螢若爲寥落境仍值酒初醒

秋思

夕照紅於燒晴空碧勝藍獸形雲不一弓勢月初三  
鴈思來天北砧愁滿水南蕭條秋氣味未老已淡諳

桃巖憶賈島

顧非熊

路向桃巖去多行洞壑間鶴聲兼野靜溪色帶邨閒  
疎葦秋前渚斜陽雨後山憐君不得見詩思最相關

題馬儒乂石門山居

尋君石門隱山近漸無青鹿迹入柴戶樹身穿草亭  
雲低收藥徑苔惹取泉竝此地客難到夜琴誰共聽

秋日陝州道中

孤客秋風裏驅車入陝西關河午時路村落一聲雞  
樹勢飄秦遠天形到岳低誰知我名姓來往自淒淒

金山寺

張祐

一宿金山寺微茫水國分僧歸夜船月龍出曉堂雲  
樹影中流見鍾聲兩岸聞因悲在城市終日醉醺醺

題松汀驛

詩宗

不牛集

詩集  
山色遠含空蒼茫驛國東海明先見日江白迴聞風  
鳥道高原去人煙小徑通那知舊遺逸不在五湖中

晚夏歸別業

古岸扁舟晚荒園一逕微鳥啼新果熟花落故人稀  
宿潤侵苔甃斜陽照竹扉相逢盡鄉老無復話時機

惠山寺

舊宅人何在空門客自過泉聲到池盡山色上樓多  
小洞穿斜竹重堦夾細莎殷勤望城市雲外暮鐘和

題薔薇花

朱慶餘

四面重條密浮陰入夏清綠攢傷手刺紅墮斷腸英

粉着蜂鬚膩光凝蝶翅明雨中看亦好况復值初晴

和劉補闕秋園

逍遙人事外杖屨入杉蘿草色寒猶在蟲聲晚漸多  
靜逢山鳥下幽稱野僧過幾許開新菊開從落葉柯  
竹徑通鄰圃清深稱獨遊蟲絲交影細藤子墜聲幽  
積潤苔紋厚迎寒薺葉稠閑來尋古畫未廢執茶甌

憶江上吳處士

賈島

閩國揚帆去蟾蜍缺復團秋風吹渭水落葉滿長安  
此地聚會夕當時雷雨寒蘭橈殊未返消息海雲端  
送唐環歸敷水庄

言  
毛女峯當戶日高頭未梳地侵山影掃葉帶露痕書  
松徑僧尋廟沙泉鶴見魚一川風景好恨不有吾廬  
旅遊

此心非一事書札若爲傳舊國別多日故人無少年  
空巢霜葉落疎隔水螢穿畱得林僧宿中宵坐默然  
題李凝幽居

閒居少隣並草逕入荒園鳥宿池邊樹僧敲月下門  
過橋分野色移石動雲根暫去還來此幽期不負言  
暮過山村

數里聞寒水山家少四隣怪禽啼曠野落日恐行人

初月未終夕邊烽不過秦蕭條桑柘外烟火漸相親  
宿山寺

衆岫聳寒色精廬向此分流星透疎木走月逆行雲  
絕頂人來少高松鶴不羣一僧年八十世事未曾聞  
山中道士

頭髮梳千下休糧帶瘦容養雛成大鶴種子作高松  
白石通宵煮寒泉盡日春不曾離隱處那得世人逢  
泥陽館

客愁何併起暮送故人迴廢館秋螢出空城寒雨來  
夕陽飄白露樹影掃青苔獨坐離容慘孤燈照不開

春日早朝寄劉使君

姚合

九衢寒霧斂雙闕曙光分彩仗迎春日香煙接瑞雲  
佩聲清漏間天語侍臣聞莫笑馮唐老還來謁聖君

新春

官卑長少事縣僻又無城未曉衝寒起迎春忍病行  
樹枝風掉軟菜甲土浮輕最好林間鵲今朝足喜聲

題李頻新居

賃居求賤處深僻任人嫌蓋地花如毯當門竹勝簾  
勸僧嘗藥酒教僕認書簽庭際山空小休令着石添  
閒居遣懷

終年城裏住門戶似山林客怪身名晚妻嫌酒病淡  
寫方多識藥失譜廢彈琴文字非經濟空虛用破心

武功縣中

腥羶都不食稍稍覺神清夜犬因風吠隣雞帶雨鳴  
守官常臥病學道不稱名小有洞中路誰能引我行  
簿書多不會簿俸亦難消醉臥慵開眼間行懶繁腰  
移花兼蝶至買石得雲饒且自心中樂從他笑寂寥  
縣去帝城遠為官與隱齊馬隨山鹿放雞雜野禽棲  
遠舍惟藤架侵階是藥畦夏師稽叔夜不擬作書題  
曉鍾驚睡覺事事便相關小市柴薪貴貧家砧杵閒

讀書多旋忘賒酒數空還長羨劉伶葦高眠出世間  
閉門風雨裏落葉與階齊野客嫌杯小山翁喜枕低  
聽琴知道性尋藥得詩題誰更能騎馬閒行祇杖藜

遊春

身被春光引經時更不歸嚼花香滿口書竹粉沾衣  
弄日鶯狂語迎風蝶倒飛自知疎嬾性得事亦應稀

送喻臯校書歸毗陵

主人庭葉黑詩藁更誰書闕下科名出鄉中賦籍除  
山春烟樹衆江晚遠帆疎吾亦家吳者無因到弊廬  
客遊旅懷

客行無定止終日路歧間馬爲賒來貴僮因借得頑  
詩書愁觸雨店舍喜逢山舊業嵩陽下三年幾得還

閒居晚夏

閒居無事擾舊病亦多痊選字詩中老看山屋外眠  
片雲侵落日繁葉咽鳴蟬對此心還樂誰知乏酒錢

南溪別業

周賀

結宇依青嶂開軒對翠疇樹交花兩色溪合水重流  
竹逕春來掃蘭樽夜不收逍遙自得意鼓腹醉中遊

逢皤公

帶病稀相見西城早晚來山衣風壞帛香印雨沾衣

詩宗

詩集

三



坐久鐘聲盡禪餘岳影回却思同宿夜高枕說天台

陳後主

李商隱

玄武開新苑龍舟燕幸頻渚蓮參法駕沙鳥犯鉤陳  
壽獻金莖露歌翻玉樹塵夜來江令醉別詔宿臨春

自喜

自喜蝸牛舍兼容燕子巢綠筠遺粉澤紅藥綻香苞  
虎過遙知穿魚來且佐庖但行成醕酊隣壁有松醪

蟬

本以高難飽徒勞恨費聲五更疎欲斷一樹碧無情  
薄宦梗猶泛故園蕪已平煩君最相警我本舉家清

桂林路

地煖無秋色江晴有暮暉空餘蟬嘒嘒猶向客依依  
邨小犬相護沙平僧獨歸欲成西北望又見鷓鴣飛

蝶

飛來綉戶陰穿過畫樓深重傳秦臺粉輕塗漢殿金  
相兼唯柳絮所得是花心可要凌孤客邀為子夜吟

喜舍弟義叟及第上禮部魏公

國以斯文重公仍內署來風標森太華星象逼中台  
朝滿遷鶯侶門多吐鳳才寧同魯司寇唯鑄一顏回

無題

言宗  
多羞釵上燕真媿鏡中鸞歸去橫塘曉華星送寶鞍

異俗

鬼瘡朝朝避春寒夜夜添未驚雷破柱不報水齊簷  
虎箭侵膚毒魚鉤刺骨銛鳥言成謀詐多是恨形幘

崔處士

真人塞其內夫子入於機未肯投竿起惟歡負米歸  
雪中東郭履堂上老萊衣讀遍先賢傳如君事者稀

夜飲

卜夜容衰鬢開筵屬異方燭分歌扇淚雨送酒船香

江海三年客乾坤百戰場誰能辭醕酌淹臥劇清漳

贈高處士

許渾

宅前出水滿高興一書生垂釣有深意望山多遠情  
夜碁畱客宿春酒勸僧傾未作干時計何人問姓名

送韋明府

酒闌橫劒歌日暮望關河道直去官早家貧爲客多  
山昏函谷雨木落洞庭波莫盡遠遊興故園荒薜蘿

南樓春望

南樓春一望雲水共昏昏野店歸山路危橋帶郭村  
晴烟和草色夜雨長溪痕下岸誰家住殘陽半掩門

晚泊七里灘

天晚日沉沉孤舟繫柳陰江邨平見寺山郭遠聞砧  
樹密猿聲響波澄鴈影淡榮華斲時事誰識子陵心

送段覺歸杜曲閒居

書劍南歸去山扉別幾年苔侵巖下路果落洞中泉  
紅葉高齋雨青蘿曲檻煙寧知遠遊客羸馬太行前

晚發天井關寄李師晦

山在水滔滔流年欲二毛湘潭歸夢遠燕趙客程勞  
露曉紅蘭重雲晴碧樹高逢秋正多感萬里別同袍

題岫上人院

病客與僧閒頻來不掩關高窓雲外樹疎磬雨中山  
離索秋蟲響登臨夕鳥還心知落帆處明月浙河灣

汎谿

疑與武陵通青溪碧嶂中水寒深見石松晚靜聞風  
遞迹驅雞吏冥心失馬翁纔應婚嫁畢從此息微躬

秋晚登城

城高不可下永日一登臨曲檻涼飆急空樓返照淡  
葦花迷夕棹梧葉散秋砧謾作歸田賦蹉跎歲欲陰

韋處士山居

斲藥去還歸家人半掩扉山風藤子落溪雨豆花肥

詩宗 卷八 集  
寺遠僧來少橋危客過稀不聞碓杵動應解製荷衣

送人入蜀

李遠

蜀客本多愁今君是勝遊碧藏雲外樹紅露驛邊樓  
杜宇呼名語巴江學字流不知煙雨夜何處夢刀州

宿宣義池亭

劉得仁

暮色遶柯亭南山出竹青夜淡斜舫月風定一池星  
島嶼無人迹菰蒲有鶴翎此中休偃得何必泛滄溟

送僧歸玉泉寺

玉泉歸故寺偃老是心期亂木孤蟬後寒山絕鳥時  
若尋流水去轉出白雲遲見說千峯路溪深復頂危

曉發

姚鵠

旅行空早發况復是南歸月影綠山盡鐘聲隔水微  
殘星螢共失落葉鳥俱飛去去關河曉村中人出稀

宿翠微寺

馬戴

處處松生滿樵間一逕通鳥歸霜磬盡僧語石樓空  
積翠含微月遙泉韻細風經行心不厭似在故山中

送韋處士歸省朔方

趙嘏

暎柳見行色故山當落暉青雲知己沒白首一身歸  
滿袖蕭關雨連沙塞鴈飛到家翻有喜借取老萊衣

麟中寓居寄蒲陰友人

薛能

言宗  
瀟條秋雨地獨院阻同羣一夜驚爲客多年不見君  
邊心生落日鄉思羨歸雲更在相思處子規燈下聞

贈禪者

門前雖有徑絕向世間行  
薙草因逢藥移花更得鶯  
甘貧元是道苦學不爲名  
莫怪蒼鬚晚無機在此情

商山早行

溫庭筠

晨起動征鐸客行悲故鄉  
雞聲茅店月人跡板橋霜  
槲葉滿山路枳花明驛墻  
因思杜陵夢鳧鴈滿迴塘

登盧氏臺

勝地當通邑前山有故居  
臺高秋盡出林斷野無餘

白露鳴蛩急晴天度鴈疎  
由來放懷地非獨在吾廬

月中雲居寺上方

虛閣披衣坐空階踏葉行  
衆星中夜少圓月上方明  
靄盡無林色喧餘有澗聲  
祇應愁恨事還逐曉光生

秦原早望庭

李頻

一忝鄉書薦長安未得回  
年光逐渭水春色上秦臺  
燕掠平蕪去人衝細雨來  
東風生故里又過幾花開

送劉山人歸洞

却共歸雲去高眠最上峯  
半湖乘早月中路入疎鐘  
秋盡草蟲急夜深山雨重  
平生心未已不得更相從

客中

于武陵

楚人歌竹枝遊子淚沾衣異國久為客寒宵頻夢歸  
一封書未返千樹葉皆飛南過洞庭水更應消息稀

春宮怨

杜荀鶴

早被嬋娟誤欲妝臨鏡慵承恩不在顏教妾若為容  
風暖鳥聲碎日高花影重年年越溪女相憶采芙蓉

早行

劉滄

旅途乘早景策馬獨悽悽殘影郡樓月一聲關樹雞  
聽鐘烟柳外問渡水雲西當自勉行役終期功業齊

鏡中別業

方干

世人如不容吾自縱天慵落葉憑風掃香秔倩水春  
花朝連郭霧雪夜隔湖鐘身外能無事頭空白此峯

途中別孫璐

道路本無限又應何處逢流年莫虛擲華髮不相容  
野渡波搖月寒城雨翳鐘此心隨去馬迢遞過重峯

旅遊傷春

李昌符

酒醒鄉關遠迢迢聽漏終曙分林影外春盡雨聲中  
鳥倦江村路花殘野岸風十年成底事羸馬厭西東

邊行書事

朔野煙塵起天軍又舉戈陰風向晚急殺氣入秋多

言宗 八千集  
樹盡禽棲草冰堅路在河汾陽無繼者羌虜肯先和

甘露寺東軒

周繇

每日憐晴眺閒吟只自娛山從平地有水到遠天無  
老樹多封楚輕煙暗染吳雖居此廊下入戶亦踟躕

送人尉黔中

盤山行幾驛水路復通巴峽漲三川雪園開四季花  
公庭飛白鳥官俸請丹砂知尉黔人後高吟採物華

過洞庭湖

許棠

驚波常不定半日鬢堪斑四顧疑無地中流忽有山  
鳥高常曳墜帆遠却如閒漁父前相引時歌浩渺間

早發洛中

半夜發清洛不知過石橋雲增中岳大樹隱上陽遙  
塹黑初沉月河明欲認潮孤村人尚夢無處暫停橈

送樊使君

曾見邛人說龍州地未深碧溪飛白鳥紅旆映青林  
土產惟宜藥王租只貢金政成閑宴日誰伴使君吟

吳江旅次

張喬

行人愁落日去鳥倦遙林曠野鳴流水空山響暮砧  
旅途歸計晚鄉樹別年深寂寞逢邨酒漁家一醉吟  
題鄭侍御藍田別業

言  
秋山清若水吟客靜於僧小徑通商嶺高窓見杜陵  
雲霞朝入鏡猿鳥夜窺燈擬作前峯侶終來寄上層

送許棠

離鄉積歲年歸路遠依然夜火山頭市春江樹杪船  
干戈愁鬢改瘴癘喜身全何處營甘旨波濤浸薄田

遊歙州興唐寺

山橋通絕境到此憶天台竹裏尋幽徑雲邊上古臺  
鳥歸殘照出鐘斷細泉來為愛澄溪月因成隔宿廻

寄崔道融

司空圖

旅寓雖難定乘閑是勝遊碧雲蕭寺霽紅樹謝邨秋

戍鼓和潮暗船窻照島幽詩家多滯此風景似相畱

韋曲杜處士新居

羅隱

翠斂王孫草荒誅宋玉茅寇餘無故物時薄少深交  
迸筍侵行徑飢鳥出壞巢小園吾亦有多病近來拋

田家

章孝標

田家無五行水旱卜蛙聲牛犢乘春放兒孫候暖耕  
池塘煙未歇桑柘雨初晴歲晚香醪熟村村自送迎

除夜有感

崔塗

迢遰三巴路羈危萬里身亂山殘雪夜孤燭異鄉人  
漸與骨肉遠轉於奴僕親那堪正飄泊明日歲華新



幽蘭

幽植衆寧知芬芳只暗持自無君子佩未是國香衰  
白露沾常早春風到每遲不如當路草芬馥欲何爲

夕次洛陽道中

秋風吹古城城下獨吟行高樹鳥已息古原人尚耕  
流年川暗度往事月空明不復歎歧路馬頭塵夜生

秋日送方干遊上元

曹松

天高淮泗白料子趣脩程汲水疑山動揚帆覺岸行  
雲離京口樹鴈入石頭城後夜分遙念諸峯霧露生  
與胡汾坐月期貫休上人不至

掃庭秋漏滴接話貴忘眠靜夜人相語低枝鳥暗遷  
星圍南極定月照斷河連後會花宮子應開石上禪

南塘暝興

水色昏猶白霞光暗漸無風荷搖破扇波月動連珠  
蟋蟀啼相應鴛鴦宿不孤小僮頻報夜歸步尚踟躕

山夜呈許棠

山寒草堂暖寂寂有良朋讀易分高燭煎茶取拆冰  
庭垂河半角窓露月微稜俱入論心地爭無俗者憎

西陵夜居

吳融

寒潮落遠汀暝色入柴扃漏永沉沉靜燈孤的的青

林風移宿鳥池雨定流螢盡夕成愁絕啼螿莫近庭

冬日題覺公蘭若

李洞

天寒高木靜一磬隔川聞鼎水看山陷臺香拂雪焚  
鶴歸遙認刹僧步不離雲石室開禪後輪珠謝聖君

鄆北李生舍

圭峯秋後夜亂葉落寒虛四五百竿竹二三千卷書  
雲深猿盜栗雨霽螿沾蔬只隔門前水如同萬里餘

送僧還南海

春往海南邊秋聞半夜蟬鯨吞洗鉢水犀觸點燈船  
島嶼分諸國星河共一天長安却回日松偃舊房前

哭麻處士

韋莊

却到歌吟地閑門草色中百年流水盡萬事落花空  
總帳寒秋月詩樓冷夜蟲少微何處墮畱恨白楊風

宿山家

山行侵夜到雲竇一星燈草動蛇尋穴枝搖鼠上藤  
背風開藥竈向月展魚罾明日前溪路烟蘿更幾層

過山家

張蠟

避暑得溪幽忘言遂久畱花陰窻失曙松合逕先秋  
響谷傳人語鳴泉洗客愁家山不在此至此可歸休

寄友人

詩宗

八千集

世道復何如東西遠索居長疑卽見面翻致久無書  
甸麥淡藏雉淮苔淺露魚相思不會我明月幾盈虛

冬日

裴說

糲食擁敗絮苦吟吟過冬稍寒人却健太飽事多情  
樹老生煙薄墻陰貯雪重安排只如此公道會相容

寄華下同志

正是花時節思君寢復興市沽終不醉春夢亦無憑  
嶽面懸清雨河心走濁冰東門一條路離恨正相仍

晴詩

任翻

楚國多春雨柴門喜晚晴幽人臨水坐好鳥隔花鳴

野色連空闊江流接海平門前向溪路今夜月分明

秋晚同友人閑步

薛瑩

藉草與行沙相看日未斜斷崖分鳥道疎樹見人家  
望遠臨孤石吟餘落片霞野情看不足歸路思猶賒

宿東巖寺曉起

野寺寒塘曉遊人一夢分鐘殘數樹月僧起半巖雲  
宿鳥驚初見幽泉落不聞吟餘凭前檻紅葉下紛紛

登潤州城

江爲

天末江城晚登臨客望迷春潮平島嶼殘雨隔虹霓  
鳥與孤帆遠烟和獨樹低鄉山何處是日斷廣陵西

詩宗

八下集

三三

田家

李建勳

長愛田家事時時欲一過垣籬皆樹槿廳院亦堆禾  
病果因風落寒蔬向日多遙聞數聲笛牛晚下前坡

江行

李咸用

瀟湘無事後征棹復嘔啞高岫留殘照歸鴻背落霞  
魚依沙岸草蝶寄汙流槎共說干戈苦汀洲減釣家

三月五日

張又新

上已餘風景芳辰集遠坳湖光迷翡翠草色醉蜻蜒  
鳥弄桐花日魚翻穀雨萍從今畱勝會誰看畫蘭亭

山居

鄭雲叟

冥心栖太室散髮浸流泉採柏時逢麝看雲忽見山  
夏狂衝雨戲春醉戴花眠絕頂登高望東都一點烟

得日觀東房

李質

曾入桃源路桃源信少雙洞霞飄素練壁蘚畫陰窻  
古木疑撐月危峯欲墮江自吟空向寂誰與倒秋缸

溪南書齋

楊發

茅屋住來久山溪不閉門草生垂井口花落擁籬根  
入院將雛鳥攀蘿抱子猿曾逢異人說風景似桃源

早行

郭良

早行星尚在數里未天明不辨雲林色空聞風水聲

月從山上落河入斗間橫漸至重門外依稀見洛城

題李將軍山亭

鳳轄將軍位龍門司隸家衣冠為隱逸山水作繁華  
徑出重林草池搖兩岸花誰知貴公子亭院有煙霞

宿麻平驛

顧在鎔

及到怡情處暫忘登陟勞青山看不厭明月坐來高  
犬為孤村吠猿因冷木號微吟還獨酌多興憶同袍

貞上人院

鄭巢

林疎多暮蟬師去宿山煙古壁燈熏畫秋琴雨慢絃  
竹間窺遠鶴巖上取寒泉西岳莎房在歸期更幾年

泊靈溪館

孤吟疎雨絕荒館亂峯前曉鷺棲危石秋萍滿敗船  
潘從華頂落樹與赤城連已有求閑意相期在暮年

甘露寺

孫魴

寒暄皆有景孤絕盡難形地拱千尋險天垂四面青  
晝燈籠鴈塔夜磬徹漁汀最愛僧房好波光滿戶庭

秋夜宿淮口

景池

露白草猶青淮舟倚岸停風帆幾處客天地兩河星  
樹靜禽眠草沙寒鹿過汀明朝誰結伴直去泛滄溟

贈喬尊師

張鴻

言宗  
長忌時人識有家雲澗淡性惟耽嗜酒貧不破除琴  
靜鼓三通齒頻湯一味參知師最知我相臥坐檀陰

秋宵書事寄吳憑處士

釋皎然

真性在方丈寂寥無四鄰秋天月色正清夜道心真  
大夢觀前事浮名誤此身不知庭樹意榮落感何人

送重鈞上人遊天台

漸看華頂出幽賞意隨生十里行松色千重過水聲  
海容雲正盡山色雨初晴事事將心證知君道可成

靜林寺

釋靈一

靜林溪路遠蕭帝有遺蹤水擊羅浮磬山鳴于闐鐘

燈傳三世火樹老萬株松無復雲霞色空聞昔臥龍

寒夜過鄢川師院

釋無可

長生推獻壽法座四朝登問難無疆敵聲名掩古僧  
絕塵苔積地栖竹鳥驚燈語默俱忘寐殘窓半月稜

聖果寺

釋處默

路自中峯上盤回出薜蘿到江吳地盡隔岸越山多  
古木叢青靄遙天浸白波下方城郭近鍾磬雜笙歌

新秋雨後

釋齊己

夜雨洗河漢詩懷覺有靈籬聲新蟋蟀草影老蜻蜒  
靜引閒機發涼吹遠思醒逍遙向誰說時泥漆園經

題王班水亭

釋護國

湖上見秋色曠然如爾懷豈惟歡壠畝兼亦外形骸  
待月歸山寺彈琴坐暝齋布衣閒自貴何用謁天階

初冬旅懷

釋懷浦

枕上角聲微離情未息機夢回三楚寺寒入五夏衣  
月沒棲禽動霜晴凍葉飛自慚行役早深與道相違

山居

釋可止

雪消春力展花漫洞門垂果長纖枝曲巖崩直道移  
重猿圍淺井鬪鼠下疎籬寒食煙微有高風勢徹陂

望樊川

釋澹交

萬樹葉初紅人家樹色中疎鐘搖雨足積水浸雲容  
雪磧回寒鴈邨燈促夜春舊山歸未得生計欲何從

寄洛中諸妹

元淳

舊國經年別關河萬里忠題書憑鴈翼望月想蛾眉  
白髮愁偏覺歸心夢獨知誰堪離亂處掩淚向南枝

遊長寧公主林亭應制

上官昭容

暫爾遊山第淹留惜未歸霞窓明月滿澗戶白雲飛  
書引藤為架人將薜作衣此真攀桂所臨睨賞光輝

詩宗午集卷十四





